

84(2Рос-Кому)
К57
1444к



И. КОДАНЕВ

**Тадзи
Тшоқтё
сёлёи**

КНИГА ДОЛЖНА БЫТЬ
ВОЗВРАЩЕНА НЕ ПОЗЖЕ
УКАЗАННОГО ЗДЕСЬ СРОКА

Колич. предыд. выдач _____

~~4/11/98~~

~~6/11/98~~

6/1/14

24-04-59

2010
8

882

8412100-Коми
КС

И. КОДАНЕВ

*Тадзи тиöктö
сьöлöм*

РАССКАЗЪЯС

1444K



7.1 ОКТ 1990

Республиканская
БИБЛИОТЕКА
Коми АССР

КОМИ КНИЖНОЙ ИЗДАТЕЛЬСТВО
Сыктывкар 1959

СОДЕРЖАНИЕ

Сьёкыд туйын	3
Агния Ивановна	20
Дуня	32
Баян	38
Төдтөм йёз	44
Пёрысь мастер	52

Иван Васильевич Коданев

ПО ВЕЛЕНИЮ СЕРДЦА

Рассказы

На коми языке

Оформление П. Семячкова

Редактор *С. Морозов*

Техн. редактор *И. Цивунин*

Сдано в набор 3/ХII-58 г. Подписано к печати 27/V-1959 г. Формат 84×108^{1/32}
0,937 бум. лист. 3,075 печ. лист. (Уч.-изд. лист. 2.87) Заказ № 3800. Тираж 2000.
ЦС0942. Коми книжное издательство. Дом печати. Цена 85 коп.

г. Сыктывкар, Республиканская типография Полиграфиздата
Министерства культуры Коми АССР



СЬӨКЫД ТУЙЫН

Валентина Сергеевнаос корисны больничаса заведующёй динё. Муртса сийё удитис воськовтны порог вомён да ас бёрсяыс пöдлавны белилаён мавтём еджыд öдзёс, кызди кылис Ардальон Ивановичлысь тöдса гөлöс:

— Пуксьöй.

Заведующёй мелиа видзöдлис Валентина Сергеевналы сьöд синъясас, сувтис сылы паныд.

— Ошкашор охотбазаысь воис радиогарамма. Сьöкыда висьмöма вöралысь Кынев. Виччысьöны миянсянь отсöг. Ковмас лэбзьывны, Валентина Сергеевна, тияны. Самолёт йылысь сёрнитчи нин.

Заведующёй малыштис паськыдкодь чужöмсö, недыр чöv олыштис, думнас виччысис врачлысь вочакыв.

— Ме дась, Ардальон Иванович,— спокойнöя вочавидзис Валентина Сергеевна.— Гортö сöмын котöртла, пасьтасы шоньдджыка.

— Да, да, пасьтасьöй. Восьса самолётөн ковмас лэбзьыны.— Та бöрын Ардальон Иванович топыда кутыштлис том врачлысь ичöтик кисö, сэсся содтис:— Надейтча, мый висьысьлы лöö сетöма отсöг.

— Вöча ставсö, мый верма.

— Бур туй тиянлы, Валентина Сергеевна.

— Аттьö, — нюмъэвтис врач.

Кор больничаса шофёр вайис Валентина Сергеевнаос аэропортö, лётчик вöлі дась нин лэбзыны.

— Метеорологическöй станция юörtöм серти, луншөр гөгөр вермас заводитчыны пурга, — тэрмасьöмön шуыштис врачлы кузиник тушаа, стройнöй лётчик.

— Эн повзьöдлы, абу полысь рöдысь.

— Ог повзьöдлы, а висьтала.

Недыр мысти самолёт шумön нетшыштчис му бердысь, вöчис ыджыд кытш да качайтчигтырйи кыпöдчис кымöра небесаö.

Валентина Сергеевналы гөгрöс чужöмас кучкис кöдзыд төв. Сийö гартовтчис кузь гöна пасьön, кияссö суйис вурун кепысь пиö, кутис видзöдны кытчöкö водзö.

Лётчик став тушанас бергöдчылис пассажирлань, докнитис юрнас, мыйкö, кылö, нурбыльтис, но мотор шумитöмла Валентина Сергеевна немтор эз вела.

Самолёт лэбзис йиön дорöм векньыдик ю пöлön. Син водзти исковтисны выльысь-выль серпасьяс: вөр массивьяс то недыр кеждö орлисны, то бара öтлаасьлисны. Вөр пöлön муртса тöдчыштисны кузь туйяслön визьяс. Корсюрö тыдовтчылисны сиктьяс, лесоучастокьяс. Но кымын дырджык лэбисны, сымын шочджыка кутисны паныдасьлыны сиктьяс. Öтарö-мöдарö чукльöдлысь ю пöлön нюжöдчис паськыд парма. Сылön эз тыдав пом ни дор.

Рытиввывсянь небесаыс кутис дзикöдз съодасыны. Самолёт кабинаö кучкысисны лым чирьяс. Кыз кымөрьяс съöкыда öшйисны му бердö. Вочасön содысь лэчыд төв быттьö кöсийс петкöдлыны ассьыс вынсö: шыблалис самолётсö то увлань, то вывлань.

Қадыс эз на прöйдит часысь унджык, а поводдя торкис дзикöдз, уль лым усис и усис помасьлытöг. Вынйöра төв гартис лымсö, омлялöмön нуис кытчöкö водзö.

«Збыльысь öмöй сэтшöма лёкмас?» — полигтырйи видзöдлывлис врач лётчик вылö.

Қоли ещö минута вит. Заводитчис буретш сийö, мыйысь медъёна полисны лётчик да Валентина Сергеевна. Лёк төв сэтшöма кутис летны ичöтик самолётсö, мый колö вöлі пыр жö пуксыны.

Лётчик лэбис нин дзик ю весьттыс. Тыдалö, корсис пуксьöм вылö шыльыдджык места.

Недыр мысти берег нӧрыс йылын мыччысис муртса тӧдчана стрӧйбаяслӧн сьӧд вуджӧр. Валентина Сергеевналӧн дрӧгнитӧс сьӧлӧмыс, но самолёт паськыд лыжияснас исковтӧс нин векныдик ю кӱзя да гӧрислымсӧ.

Кабинаысь петӧм бӧрын лётчик чышкыштіс гӧрдӧдыштӧм чужӧм вывсьыс пӧсьсӧ, капотӧн вевттис самолётлысь моторсӧ да, сикт вылӧ шуйга кинас индӧмӧн, висьталӧс:

— Ошкашор туй вылын тайӧ медбӧръя сикт. Охотбазаӧдз ветымын километр.

— Ветымын!— шӧйӧвошӧм гӧлӧсӧн шуис врач да, джуджыд толаӧд осьлалӧг, мӧдӧдчис сиктлань.

Ӣб вывсьянь вадорӧ лямпаясӧн исковтӧсны некымын детинка, кодъяс мыйвынсьыс горзӧсны ӧта-мӧдыслы:

— Самолёт! Самолёт!

Детинкаяскӧд тшӧтш Валентина Сергеевнаӧс сиктсӧветӧ колльӧдіс руч ку шапкаа, шабді кудель кодъ еджыд тошка дед, кодӧ паньдасис кыр йылын.

— Кутшӧм нин мог суис, бур нылӧй?— ичӧтиж тусаа ныв вылӧ сюся видзӧдӧмӧн юасис пӧрысь морт.

— Ми охотбазаӧдз мӧдӧдчим,— пырмунӧгмос чӧвтӧс Валентина Сергеевна.

— Татшӧм поводдянас бур кӧзяин понсӧ оз лӧдз, а тӧян оз пукавсьы шоньд керкаад,— вомгорулас ропчитӧс дед.

Сиктсӧветын Валентина Сергеевна дыр сӧрнитӧс председателькӧд. Дед кокъяссӧ кресталӧмӧн пукалӧс лабич помын да корсьурӧ ӧвтыштлывлӧс руч ку шапканас, быттьӧ вӧтлалӧс номъясӧс.

Лётчик воӧм бӧрын сиктсӧветса председатель йитчыліс районкӧд. Сзсянь юӧртӧсны, мый метеорологическӧй станция висьталӧмӧ серти лӧк поводдя вермас кыссыны быдса недель чӧж.

— Мый мӧдам вӧчны?— тӧрыба ветлӧдліс джодж кузя врач. Сы гӧлӧсын тӧдчис ӧбида да шӧйӧвошӧм.

— Кутам виччысьны, кыз шуласны, море дорын поводдя,— нюмъӧвтіс лётчик.

— Тӧныд лӧсьыд серавныд, а менӧ сӧні виччысьӧны,— врач скӧра видзӧдліс том морт вылӧ, быттьӧ сӧйӧ вӧлі мыжа омӧль поводдяысь.

Дед пыр на кыв шутөг пукаліс лабич помын, сөмын шапкасө өні чабраліс чорыджыка да шочиника кыс-кыштліс чушкан табак.

— Оз-ө позь вөлөн сэтчө воодчыны?— председа-тельлань бергөдчис Валентина Сергеевна.

— Охотбазаөдз сөмын өти туй — охотникъяслөн лыжнөй трөпа. Но и сійөс өні тыртіс. Со өд мый вөчсьө ывлаас!

— Мый нө вөчны? Өд сэні сьөкыда висьысь морт!— парсө курччөмөн нораа висьталіс врач.— А, гашкө, лыжиөн позяс писькөдчыны?

Бөрья кывьяссө шуөм бөрын Валентина Сергеевна весиг ачыс повзис.

«Верма өмөй пурга дырйи мунны лыжиөн Ошкашорөдз? Лыжи вылас өд ме эг нин сувтлы институт помалөмсянь, быдса нель во».

— Лыжиөн опаснө петны татшөм туйө,— делөвөя вочавидзис председатель.— Ветымын километр колө мунны вөрөд, көні абу некутшөм олысь. Да и некодөс ыстыны тэнө колльөдны. Том йөз пөвстын, дерт, эмөсь бур лыжникьяс, но найө уджалөны лесочастокын, не-лямын километр сайын. Нывьяс жө туйсө оз төдны.

Төв быттьө өнджыка скөрмис, таркөдіс өшинь рама тасьясө, омляліс труба пытшкын.

Лабич помын пукалысь дед, косіник кинас вомсө тупкиг, некымынысь кызөктіс, малыштіс кудель кодь еджыд тошсө, надзөникөн шыасис:

— Дерт, охотбазаөдз туйыс сьөкыд и ылын, но морт кө отсөг виччысьө, колө мунны. Тадзи ме мөвпала, бур йөзөй.

— Коді нө, Афанасий Кузьмич, босьтчас колльөдны врачөс? Тэнө али мый ме мөдөда?— гөгрөс синьяссө председатель чөвтліс стариклань.

— А мый көть и менө! Думайтан, Опонь дед нем-тор вылө нин оз шогмы,— сэсся матыстчис председа-тель пызан дорө да видзөдліс синкым увсяныс.— Тэ төдан, кызди Опонь дед тайө ветымын километрсө өти лунөн ветлывліс? Коді нө меысь бурджыка Ошкашорө туйсө төдө? Сэні өд ме кызь төв прөмышляйтлі. Али вунөдін, председатель?

Опонь дед дзормөм юрсө бергөдліс төдтөм йөзлань да зумыштчөмөн вешйис пызан дорысь.

— Висьысь морт сәні докторос виччысьо, а ті тані ар-
таланнды, кызди да кодос мөдөдны. А төданныд-ө, мый
меысь прөст мортыс сиктын өні некод абу. Майбыр,
кага ни баля оз бөрд. Старука лун-мөдтө и өтнас пач-
чөрын кургыштас.

Валентина Сергеевналөн съод синъясыс ворсыш-
тісны долыдлунөн. Сиктсөветса председатель да лётчик
гусьоникөн нюмъялісны. Найө эз гөгөрвоны: Опонь
дед то ли шмонитө, то ли збыльысь көсийө отсавны
врачлы.

Дед пыркнитіс паськыд тошнас, кыкысь помся пы-
раліс зептас чушкан табакла, кутыштіс сойбордйөдыс
врачос.

— Лыжинас сямман ветлыны, бур нылөй?

— Бура ветла, бура!—врачлөн кызкө асьныс пе-
тісны кывъясыс.

Дед косіник чуныяснас гыжйыштіс балябөжсө, синсө
читкыртыштөмөн сулыштіс өти местаын, быттьө думай-
тіс ыджыд дум.

— Тэрмасян кө, бур нылөй, талун и позьө вөрзөд-
чыны. Луншөр гөгөр на өд өні, а прамөя пемдө вит
часын. Буретш час көкъямыс кежлө воам вөр керкаө,
коді тасянь кызь километра сайын. Сәні шойччыштам
и аски асыв петам водзджык, медем рытнас воөдчыны
места вылөдз. Татшөм делөөн нюжмасьны оз позь.
Тадзи ме мөвпала.

Председатель сьөлөмсяныыс топөдліс Опонь дед-
лысь кисө.

— Сідзкө, дедушка, час мысти петам туйө,—рад-
пырысь ышловзис Валентина Сергеевна.—Ме зэв рад,
мый босьтчин отсавны. Аттьө тэныд, Кузьмич, ыджыд
аттьө.

— Дзик немторйысь аттьөавны менө, бур нылөй.
Тэныд колө аттьөсө висьтавны. Со кытчөдз пискөд-
чан, медем висьысьос сувтөдны кок йылө.

* * *

Дурмөм поводдя пыр на нөйтчис веж гыа скөр
море моз. Лэчыд төв нетшкис паськөм пөлаяс, вөрө-
діс шапка пельяс, чашйис юрысь чышъянъяс. Керкаяс
дорын өта-мөд вежмөн копрасисны вөсньыдик пельыс
пуяс, пөрысь кызьяслөн косьмөм вожъясыс чегъя-
сисны төв нөйтөмысь.

Лямпа выlö сувтöмөн Опонь дед тшапа муніс сикт кузя. Сійö вöлі дженьыдик ыж ку пася, мышкас öшаліс неыджыд пестер, веськыд бокас пуртöсын тыдаліс кузь пурт.

Валентина Сергеевна, бедьясөн йөткасигтырйи, виль лыжиөн исковтіс дед бөрся. Сы вылын öшаліс брезентөвöй сумка, көні вöліны медикаментъяс. Фуфайка улын, кодөс сетіс сиктсөветса председатель, морөслы вöлі шоныд.

Опонь дедкөд да ичөтик тушаа врачкөд паныдасысьяс сувтлөмөн видзөдісны на выlö, кодсюрө шыасьлісны старик дінө:

— Кытчө нө, Афанасий Кузьмич, мөдөдчинныд татшөм пурганас?

— Ошкашорөдз,— юрсө лэптыштөмөн вочавидзліс дед.

— Ошкашорөдз! Ветымын километр! Он воёй татшөм поводьянас.

— Воам.

— Эз өмөй томджык мортөс тэ пыдди аддзыны?— жалитісны бабаяс.

— Мый нө менө сідзи пөрысьтанныд, ичмоньяс?

— Энө жө бара кымөй туй вылас.

— Огө, бур йөзөй, огө.

Сикт регыд саймовтчис. Афанасий Кузьмич веськөдчис видзьяс пөлөн, корсис лым улө тырөм важ лыжня туй. Сійö муніс лямпаөн кокниа, но тэрмасьтөг. Морөссө неуна чургөдөма водзлань, воськовьяссө вөчаліс гырысьөс, өткодьөс. Тадзи жө рөвнөя шыблаліс и кияссө. Лолаліс ныр пырыс, пыдісянь. Төдчө вөлі, мый Кузьмич аслас нэмын лямпаөн ветлывлөма абу этша. Валентина Сергеевна, дерт, эз куж мунңы пөрысь вөралысь моз кокниа, но век жө эз кольччы дедысь.

— Менө көть эн жө таяв, бур ныланөй,— шутитіс Кузьмич.— Кыдзи нө тэнө шуөны нимнад да вичнад?

— Валентина Сергеевна...

«Мед эськө не янавны Кузьмич водзын»,— мөвпыштіс врач да мыйвынсьяс исковтіс дась вөчөм лыжняөд.

Крута шлапкысь сук лым кучкаліс чужөмө, мешайтіс видзөдны синъяслы. Шутьлялысь төв то лөньыштлас, то өддзылас. Дедлөн лымйөн тырөм тошкыс өні кажитчис ещө на еджыдджыкөн. Сійö шочиника бергөдчыліс бөрвыв, медым видзөдлыны, эз-ө кольччы врач.

И кыв-мөд шуыштөм бөрын сідзжө тэрмасьтөг исковт-ліс водзө.

Сикт коли зэв нин ылө. Валентина Сергеевналөн вочасөн кутісны мудзны кокъясыс. Мышкын өшалысь сумка лой сьөкыдджык.

— Мудзны кутінныд, Сергеевна?

— Нинөм, көть и мудзышта.

— Рөвнөйджыка колө лолавны, сідзнад кокньыд-джык муннытө,— велөдіс дед.

Төвся лун кутіс катовтны рытлань. Паськыд лапьяса коз пуяс костөд писькөдчис нин пемыд рөм. Важ-мозыс гажтөма омляліс төв. Сьөктаммысны кокьяс. Паськөм пөлаяс көтасьөмла йизисны.

Мыйөн пемдыштіс, Кузьмич лямпасө веськөдіс ю вылө, медым не сорсыны туйысь пемыд вөрын. Тані пыр жө лой көдзыдджык, лэчыдджыка пөльтіс төлыс. Көтасьөм паськөм сибдіс туша бердө. Юрсияс лоины сулик ваось.

«Мыйла ме петі татшөм сьөкыд туяс? Тыдалө, ог вермы воөдчыны охотбазаөдз. Гашкө, вөлі бурджык, пукалі кө сиктын шоныд керкаын да виччыси поводдя бурмөм? Сэки, дерт, эз ков тадзи мучитчыны. Менө жө таысь некод эз вермы видны»,— татшөм думьяс бергалісны Валентина Сергеевна юрын.

Өтарө-мөдарө чукльөдлысь ю кузя найө мунісны вель дыр на. Сап пемыд рытын нин воисны вөр керкадорө, кодлөн джуджыд лым пиын тыдыштіс сөмын вевтыс.

Кузьмич пөрччис сямөд пестерсө, руч ку шапка вывсьыс пыркнитіс лымсө да лямпанас заводитіс вевсавны вөр керкаө пыранінсө. Валентина Сергеевналөн мудзөмысла тіралісны кокъясыс, гөгрөс чужөмыс быттьө ломзис, пиньясыс таркакылісны.

— Ёна мудзөмыд, Валентина Сергеевна,— жалитіс сійөс Опонь дед.

— Тэ өд мудзин жө, Кузьмич.

— Метө нинөм, ме вөсна эн шогсы.

Изясысь тэчөм гор пытшкө сюялісны пес, кодөс дасьтөма кутшөмкө бур морт. Билөн кузь кывйыс азыма нюліс сирөд ломтас. Курыд тшыныс сөйис мудзөм синьяс. Лолавны вөлі сьөкыд, көть и өдзөссө видзисны восьсөн.

Джодж бердө юрнысө копыртөмөн пукалісны найо гор дорын да косьтісны көтасьом паськөм.

— Кутшөм тшына тані, Афанасий Кузьмич. Синтө көть эн восьты.

— Эн шогсы, Сергеевна. Ваймас пачыс да неку-тшөм тшын оз ло. Войдөр өд ми кыйсигад таысь на омөльдзык вөр керкаын овлім.

Опонь дедрөн юкаліс мышкуыс, доймис кокпөккыйс, но сійө быдногыс зілис дзевны мудзөмсө. Кор тшын лои этшаджык, лэччыліс вадорө, медым пөртійөн вайны чай вылө ва. Кыз йисө ковмис розьодны вель дыр.

Вөр керкаө пырөм бөрын заводитіс пузьодны чай. Восьтіс пестер вомсө, кыскис сэтысь шаньга стопа.

— Вай жө, доктор, сөйышт пызя шаньгасө, став мудзыд прөйдитас, — дзормөм юрсө шыльөдыштис турдөм чуныяснас варов дед.

Врач эз кыв Кузьмичлысь сөрнисө. Сійө чорыда нин узис.

— Со кутшөма мөритчөма, коньөрүшка. Жаль весиг чуксавнысө. Мед шойччас. Чөскыд унмыд вия шаньга дорысь на чөскыдджык, — өтнасөн варовитіс дед.

Войнас Опонь дед унджык кадсө пукаліс, кок юкалөм вөсна эз вермы прамөя узыны. Мыйөн вөр керка кутіс көдзавны, ас вывсыс пөрччис ыж ку пасьсө да надзөникөн шебраліс врачлысь кокъяссө.

«Мед көть лөныштас неуна поводдяыс, а то дзикөдз мөритчас нылыс», — юрнас доvkйөдліс сійө.

Асьявылыс Кузьмич мөдысь пузьөдіс чай, пачын шонтіс вия шаньга, сэсся заводитіс чуксавны врачөс.

— Чеччы, Сергеевна, чеччы! Ылын на өд Ошкашорөдзыд.

Валентина Сергеевна дыр эз гөгөрво, көні сійө да мый ськөд. Гөгөр доймис. Вель дыр тілис синъяссө, лөсьөдыштис пратьмөм юрсисө, муртса вермис кыпөдчыны нар вылысь.

— Бур асыв тэныд, доктор, — мелі гөлөсөн шыясис Опонь дед.

— И тэныд сідз жө, Кузьмич.

— Кутшөма шойччин?

— Весиг ог помнит, кызди унмовси, сэтшөма мудзсьөма.

— Талун өд верман жө муннысө?

Валентина Сергеевна мыйкө дыра чөв олыштіс, быттьө эз кыв дедлысь юалөмсө, сэсса съод синъяснас видзөдліс Кузьмичлы чуқыртчыштөм чужөмас да гораа шуис:

— Колө мунны! Верма!

— Вернө, бур нылөй. Колө мунны, тэрмасьны. Тэнө сәні виччысьоны.

Врачлы дум вылас уси, кызди сийө төрыт өти кадө повзылыс съөкыд туйысь. И сийө думсьыс аслыс лои яндзим.

Сейыштөм бөрын Опонь дед некымынысь кыскыштіс чушкан табак, кималасөн корсис руч ку шапкасө, мышку вылас өшөдіс пестер, коді өні сылы кажитчис кокныдджыкөн, и көсйис нин воськовтны ывлаө, но сийөс киөдыс кутіс Валентина Сергеевна.

— Дедушка, тэ өд войнас узин жө? Мыйкө тай съөкыда лолалан.

— Узьтөг өд эг ов. Весиг вөтөн старука дінө волі,— серөктіс Кузьмич.— Кызди нө узьтөг!

— Пульсыд абу нормальной. Эн көть висьмы.

— Ог, ог... Висьөмыд ме дінысь ыліті кытшлалө.

Найө бара петісны съөкыд туйө.

Ывлаын төрытъямоз жө бушуйтіс пурга. Лэчыд төв азыма сатшкысис щөкаө, чепляліс чужөм. Гажтөма шувгис парма, дзуртісны пуяс, на вылысь гылалісны туктаяс.

Югдытөдзыс Опонь дед нуөдіс ю кузя, сэсса бара кежис вөр пытшкө. Пармаын кажитчө вөлі шоньдджык, лөньджык. Луншөр бөрын найө сувтыштлісны сейыштны пөрөм коз бокө. Кын нянь съөкыда сетчис пиньяслы, тасасьліс горшө.

— Тэ, Кузьмич, он кө и мудзлы-а?

— Водз на, аканьөй, мудзнытө, квайтымын сизим на тыри,— тошсьыс гьөрсө весаліг шмонитіс пөрысь вөралысь.

— А ме бара нин мудзи,— эз соссьы Валентина Сергеевна да сюйыштіс шаль улас съод юрси пратьяссө.

— Мудзин кө, чөскыдджыка узьсяс.

Кок улын заводитіс выльысь дзуртны небыд лым. Валентина Сергеевналы окота вөлі өдйөджык воөдчыны Ошкашорөдз, а сэтчөдз вывті на ылын.

Бара нин көтасисны паськөмъяс. Кокъяс да кияс кывзысисны омөля. Синъяс водзын частө ыпнитлыв-

лісны кутшөмкө виж кругъяс, кодъяс пыр жö вошліны
көдзыд сынөд пытшкас.

Опонь дед ещö на ёнджыка гөрбыльтчис. Руч ку
шапкасö вештіс юрпыдöсланьыс, кепысьсö суйис тасма
костас.

Джуджыд кыр кайөм бöрын, көні нельысь-витысь
ковмис шойччыны, Валентина Сергеевналөн гөгөр
лёталіс, кокъясыс сэтшöма слабитісны, восьлавны лои
сьöкыд. Лыжи кажитчис воддза дорысь унапöv сьö-
кыдджык.

— Пуксьыштлам, дедушка,— тіралан гөлөсөн
шыасис врач. Қиясыс сьлөн öдва кутісны лыжи бедь-
яссö.

— Позьö. Абу грек и шойччыштны, вель уна вось-
ков нин мерайтім талун.

Найö пуксялісны мыръяс вылө.

— Зверьяс, пөткаяс — ставөн дзевсьöмаөсь, некөн
ловъя лов абу,— вомсö тяпкөдыштіс Кузьмич.

— Мед көть час-мөд кежлө дугдылас пургаыс,—
фуфайка вывсьыс лымсö пыркнитіг шуис врач.

— Мөдөд сутки дурө, и он төд, кор помасяс.

Валентина Сергеевналы дум вылас уси Москва. Син
водзас воліс Май 1 лунся демонстрация, коді нэм
кежлө коли паметьын. Со студентъяс колоннаын Ва-
лентина восьлалө Краснөй площадь вывті. Морөс
пытшкын долыда тіпкө сьөлөмыс. Трибуна вылын су-
лалөны партия да правительствоса руководительяс.
Найö нимкодя видзөдоны демонстрантъяс вылө. Ва-
лентина киас сэк нуис лозунг, кытчö зарни букваясөн
вөлі гижöма: «Морт — сійö медся дона капитал
мирын».

— Медся дона капитал!— сьөлөмсяньыс шуис Ва-
лентина Сергеевна и пружина моз чеччыштіс мыр вы-
лысь.— Мунам, Кузьмич! Миянөс виччысьöны! Мунам
өдйөджык!

Рытланьыс мунны лои ещö на сьöкыд. Валентина
Сергеевналөн лыжиыс частö крукасьліс мыръяс костö.
Кузьмич муртса жö кыскис пöрысь кокъяссö. Öні найö
унаысь сувтавлісны, медым ичөтика көть шойччыштны.
Но мудзөм эз чин, а вочасөн содіс.

«Водны эськө шоньд вольпась вылө да войбыд
куйлыны вөрзьөдчывтөг»,— мөвпаліс том врач. А соз-
наниеыс сәні жö висьталіс мөдтор йылысь: «Öдйөджык,

өдйөджык! Ошкашорын виччысьöны тэнö». Яндзим босьтис вольпась йылысь думайтöмысь. Мудзöм кокъяс надзöникөн, но пыр нуисны водзö. Воськов бөрся воськов, джуджыд лым пыр, найö писькөдчисны Ошкашорö.

Коркө сёрөн нин пуяс костөд дзузнитис билөн бледіник югөр. Опонь дед ыджыда ышловзис, кипыдöс-нас чышкыштіс вомдорсö, быттö кодкөдкө окасыны лосьөдчис.

— Со и воим, Валентина Сергеевна.

Врач немтор эз вермы вочавидзны.

Вөр пöвстö саймовтчыштöм керка дорысь чепöс-йисны скөр понъяс да гораа увтчигтыр уськөдчисны локтысьяслы паныд.

— Бурлак! Найдыш!— горөдіс Кузьмич понъяс вылө, көть эськө и оз вöлі төд налысь нимъяссö.

Опонь дед отсаліс врачлы пөрччыны лыжи. Босьтис пельпом вывсьыс сумка да, Валентина Сергеевнаöс кидыс кутөмөн, нуөдіс пемыд посводзөд. Керка пытшкө пырөм мысти орчча комнатасянь на дорö уськөдчисны олөма нывбаба да визув синъяса, ар сизима нывка. Крөватъяс вылын куйлысь мужчинаяс зіля пуксялісны, шензьөмөн заводитісны видзөдны төдтөм йөз вылө, кодъяс татчө пырисны виччысьтөг.

— Врач!— медводз гөгөрвоис гөрд уска мужчина.

— Врач! Врач!— чилөстіс вöсньыдик гөлөсөн ичө-тик нывка да тэрыба котөртис мөд комнатаö.

— Кыдзи висьысьыс?— надзöникөн воськовтіс Валентина Сергеевна, а ачыс муртса эз усь.

Сійö жö здукө ён ки кутыштіс врачöс киняулөдыс да пуксьөдіс скамья вылө.

Мыйкө дыра ставөн чөв олісны, видзөдісны öта-мөд выланыс.

— Кыдзи нө воинныд татшөм поводдянас?— партук дорнас вижөдыштöм чужөмсö чышкыштіс олөма нывбаба.

— Ми ог нин вöлі виччысьöй тіянös,— шензис гөрд уска вöралысь.

— Ёна жö и мудзим, бур йөзöй,— вомсö тяпкөдіс Кузьмич.— Эг жö эськө татшөм вөвлы томдырйиыд да пöрысьмыны, тыдалö, куті.

Вöралысьяс отсалісны пөрччысьны врачлы да, Опонь дедлы, сетісны шоныд гынкөмъяс, лосьөдісны пуксьыны скамья.

«Онiя вöралысьяслөн оланiныд абу мян батыяс кадся вөр чомъяс кодьюсь»,— нимкодясис Кузьмич да мышнас топöдчис пач бердö. Туша кузялаыс надзöникөн разалi шоныдыс. Кыдзкö аслысногөн вöли лöсьыд тайö сöстөм, гажа керкаас.

— Көнi тiян висьюсьыс?— паськөмсö пөрччөм бöрын юалис Валентина Сергеевна.

— Танi орчча комнатаас куйлö,— шыасис нывбаба.— Но тi первой шойччыштöй да шонтысьыштöй.

Врач быттьö эз кывлы нывбабалысь кывъяссö, разис медикаментъяс тыра сумкасö, пуджыштіс сосъяссö.

— Меным колö мыссьыштны.

— Со мыссян дозйыс, а кичышкöдыс танi,— котөрөн ветліс пельöсö да индiс мыссян доз вылö лöz синъяса нывка. Сылөн чужöмыс вöли не аслас арлыд серти шог да серьезнöй. Врач мыссягкості нывка пыр сулалiс кывтын да кыв шутөг видзöдiс сы вылö. Чужöмсö чышкигөн нин Валентина Сергеевна казяліс сійöс.

— Голубушка, кызди нö тэнö шуöны?

— Наташа.

— Наташа! Бур, бур... А кодi тэнад папайд да мамайд? Тэкöд вот тöдмасим, а сэсся папайдкөд да мамайдкөд тöдмасям.

— Мама кулі, а папа висью... Папа кулö жö...— юрсö улöдз копыртiс нывка да кыкнан кинас тупкис синъяссö.

Валентина Сергеевна сöмын öнi гөгөрвоис, мый не ас кадö да дзик неладнö панiс нывкакөд тайö сёрнисö, вөрзьöдiс челядь сьölöмысь медся ыджыд дойсö. Öнi кайтчис и видiс асьсö неосторожнöя панöм сёрниысь. Наташа сыркъялөмөн бөрдиc.

— Тайö Кыневлөн быдтасыс,— висьталiс нывбаба. А сэсся локтіс нывка дiнö да малыштіс сійöс юрöдыс.— Эн бөрд, Наташа, тётя-врачыс лечитас папатö.

— Папа мян кулö,— синвасö нылалiс нывка.

— Кувны ог лэдзöй, Наташа,— копыртчыліс нывка дiнö врач да кутыштіс сійöс. Сэсся öдийö бергöдчис нывбабалань.— Нуöдöй менö висьюсь дiнас.

Кор врач пырис орчча комнатаö висьюсь дiнö, ставөн чөв усины. Сидз пукалісны минут-мөд.

— Весиг эз шойччышт докторыд,— кодкö шыасис вöралысьяс пиысь.

Валентина Сергеевна шатлаліг воськовтіс ляпкы-дик порог вомөн. Пу крөвать вылын куйліс ар комын кыка мужчина да сьөкыда ымзіс. Сы дорын сулаліс нин Наташа да вöсньыдик чуньяснас малаліс висьысь-лысь дзугсьом юрсисö. Врачöс аддзём бöрын нывка вешйис крөвать дорысь.

— Жаль Наташаыс,— вашкөдыштіс врачлы нывбаба.— Кык во сайын мамыс кулі, а öні со, колökö, батытөг. коляс.

Валентина Сергеевна копыртчис Наташа дінö. Топöдіс сійöс морöс бердас, дыр эз лэдз.

— Эн бöрд, Наташа, батыд бурдас. Непременнö бурдас!

Ичөтик нывкалөн чужём кузяыс визувтіс сөдз синва войт. Лöz синъясыс видзөдісны гажтöма. Косіник пельпомъясыс дрөгнитлывлісны.

Врач дыр видлаліс висьысьöс. Кыневлөн вöлі крупозной воспаление лёгких. Температура кутчысис сэтшөм вылын, мый Валентина Сергеевна весиг повзис.

«Сёрми, буракö. Омоль кө организмыс, некутшөм лекарство оз нин отсав»,— парсö курччөмөн ветлөдліс врач. Сэсса видзөдліс Наташа вылө, коді вөрзьөдчывтөг пукаліс пач дорын, и лои ещö на сьөкыдджык.

Укол вөчөм бöрын висьысьлөн сьөлөмыс кутіс йөктыны сэтшөм ёна, быттьö көсйис чеччыштыны ортсö. Валентина Сергеевна чужём вылысь позьö вöлі казавны повзьём. Наташаöс да нывбабаöс сійö тшөктіс петны.

«Вöлі кө тані Ардальон Иванович, сійö, гашкө, вермис спаситны, ме жö пола — оз тырмы опытöй».

Войшөр бöрын нин Валентина Сергеевна петіс висьысь дінысь.

Кыневлөн ёртъясыс, олöма нывбаба, Опонь дед, весиг ичөтик Наташа — ставныс на олісны.

Врач кыв шутөг пуксис пызан помö, синкымъяссö увлань лэдзөмөн сьөкыда ышловзис. Висьтавтөг ставөн гөгөрвоисны, мый висьысьлы вывті сьөкыд, но некод эз көсйы та йылысь юавны.

— Сейышт да шойччышт, Валентина Сергеевна, комын километр öд восьлалöма,— торкис чөвлунсö Кузьмич.

— Тар яй со пызан вылас лосьодома. Сейышт да ээсса и водан,—шыасисны вöралысьяс.

— Ме вöсна, ёртъяс, энö тöждысьöй,—небыдика вочавидзис врач. Сылөн думъясыс вöліны висьысь дінын. Майшасис сьолöмыс.— А ті водöй, шойчöй. И тэ вод, Кузьмич.

Вöралысьяс регыд унмовсисны. Қияссö юр улас пуктöмөн узис и ичöтик Наташа. Сійö унйивсьыс сёрнитіс, горзіс. Врач сувтіс нывка весьтö да дыр видзöдіс банйöм чужöм вылас. «Батьтөг, тыдалö, колян, ичöтик аканьöй»,—шöпкөдіс ас кежас врач. Сылы сэтшöм вöлі сьökыд, эз тöд кытчö воштысьны. Қөдзыд ваён мыссьыштöм бöрын Валентина Сергеевналы лои кокныдджык. Недыр мысти сійö выльысь пырис висьысь дінö.

Асывнас Опонь дед эз вермы чеччыны крöвать вылысь. Сійö висьмис гриппөн.

Врачлы öні ковмис нин лечитны кык висьысьöс.

— Эновт менö, Сергеевна. Куйлышта и аски жö бурда,—сьökыда лолаліс Опонь дед.

Мöд луннас Кузьмичлысь висьöмсö збыльысь кодкө быттö чышкыштіс. Температура чині.

— Ме жö висьтавлі, мися, висьны ме дыр ог эшты. Со тай порошокыстö юышті, и важсьыс ён лои,—дзормöм юрсö малалігмоз шутитіс сійö.

— Тэ молодец, дедушка,—нимкодясис Валентина Сергеевна.—Но куйлыштны ковмас на.

Кык вой узытöмла врачлөн сьод синъясыс видзöдісны жугыля. Бледöдыштöм чужöмыс кажитчыны кутіс векныдджыкөн.

— Кок йивсьыд усян шойччытöгыд,—жалитісны сійöс вöралысьяс.

— Коді меным лючки висьталас, мый лои Қыневкөд? Қызди сійö висьмис?—вöралысьяс дінö пуксис врач.

— Василий Иванович миян мастерджык сёрнитны. Сійö и висьталас,—олöма нывбаба индіс гөрд уска мужчина вылö.

Василий Иванович скамьянас вешйис пачлань, го-раа кызöктіс.

— Мый нö висьтавынсьö. Нель лун сайын Қынев веськалас рысь кок туйö да заводитас туявны сійöс. Матö вит километр вöтчас зверь бöрся и век жö суодас

да виас сійос. Луныс вöлі вывті кöдзыд. Пöсялöм бö-
рад, тыдалö, кынмис. Мöд луннас сійос жар шыбитис.
Валентина Сергеевна, тэ вылö мян став надеяыс. От-
сав сылы. Мортыс öд кутшöм... доныс абу.

— Медбур вöралысь сійö районын,— чигарка гар-
тыштігмоз содтіс кызіник мужчина.

...А Қыневлы пыр на вöлі зэв сьöкыд. Войяснас
сійö частö сöрис. Лун и вой Валентина Сергеевна
пукаліс висьысь дінын. Сетіс став кужöмлунсö, медым
кыпöдны сійос кок йылö. Мукöддырйи врачлы кажит-
чис, мый вöралысьлы сійö оз вермы сетны колана от-
сөг. Думнас видіс лётчикöс, коді повзис лёк поводдя-
ысь, эз вермы ас кадö вайны сійос охотбазаö. «Вои кө
лун-мöд водзджык, ставыс эськö помасис бура».

Лöз синьяса Наташа ветлöдліс врач бöрся да вöс-
ныдик гөлöсөн долис:

— Төтя Валя, а кор папа бурдас? Öні öд сылы
кокныдджык?

— Кокныдджык, кокныдджык, Наташенька,—
бурöдіс нывкаöс сійö, а ачыс мыйлакö быдпöрья гөр-
дöдыштліс.

Витöд луннас поводдя сэтшöм жö крута бурмис,
кыдзи и лёкмыліс. Вөр сайсянь мыччысисны асья шонді
югөрьяс. Керкаын лои югыдджык, кыпыдджык.

— Аски туйö позьö петны,— юөртіс врачлы Кузь-
мич.— Старука, көнкö, дзикöдз нин гажтöмчис.

— Афанасий Кузьмич, кытчö нö öтнад татшöм ту-
йö петан? Олышт ещö лун-вит и мекöд самолётөн
лэбзян.

— Э-э... Оз позь, Педöраöй, мися, гажтöмчас. Да и
колхозын, көнкö, виччысьöны нин менö.

— А висьман кө туяс?

— Öні ме дорö некутшöм висьöм кувтöдз оз си-
бав,— сераліс пöрысь вöралысь.

Быдногыс корисны Кузьмичöс кольччыны, но сійö
сулаліс аслас кыв вылын. Мöд луннас колльöдісны
старикöс туйö.

Қильчö помын Валентина Сергеевна топыда ку-
тыштіс Кузьмичöс сьылі гөгöрыс да пöся окыштіс чу-
жöмбансö.

— Аттьö, Кузьмич, некор ог вунöд тэнсьыд буртö.
Не кө тэ, колöкө, ме эг и вермы воны татчö.

Татшом мелі кывьясысь Кузьмичлөн чуқырось чу-
жом кузяыс исквотіс синва войт да крукасіс пашкыр
еджыд тошкас.

— Тэныд пасибёыс, Сергеевна,— синвасё чунь йыв-
нас чышкыштіс дед.— Со тай эн повзы нинёмысь, ве-
тымын километр локтін. Мед тэныд кузь нэм да бур
шуд.

Опось дед сувтіс лямба вылө. Колльодысьяслань
өвтыштіс руч ку шапканас, улөдз копыртліс дзормөм
юрсө и регыд воши гырысь пуяс сайё.

Врач дыр на сулаліс кильчө вылын да видзөдіс
асья пемыдас.

Аскинас висьысьлөн температура лэччис. Пульс ку-
тіс тіпкыны шочджыка. Валентина Сергеевналөн му-
дзөм синъясын тыдовтчис радлун. Сійё дыр радліс ас
кежас, сэсся уськөдчис Наташалы паныд.

— Наташенька, воли татчө!

Кор нывка матыстчис, врач топыда кутыштіс сійёс.

— Папаяд тэнад герой.

Рытнас, мыйөн вөралысьяс воисны базаө, Валенти-
на Сергеевна босьтіс кидыс Наташаөс да долыдпы-
рысь локтіс на дінө.

— Папа мян бурдө,— немвиччысьтөг юөртис ныв-
ка да чужөмнас топөдчис врач дінө.

— Збыль?— өттшөтш юалісны некымынөн.

— Да. Кризис прөйдитіс,— и Валентиналы тайө
вөрса керкаыс өні кажитчис төдсаджыкөн, мусаджыкөн.

Сизим морт, өти бөрся мөд, кутлісны врачлысь пө-
сялыштөм кисө. Сьөлөмсянь аттьөалісны сійёс.

Висьысь асьсө кутіс чувствуйтны лунысь лун бур-
джыка. Вочасөн уси температура, воссис аппетит. Ён
организм вөчис асьыс удж.

Рытьяснас Валентина Сергеевна частө казтьывліс
Кузьмичөс. «Воис эз бара гортас. Колөкө, мыйкө лои
туй вылас и мыйла ме лэдзи сійёс өтнассө».

— Эн шогсы, Валентина Сергеевна. Опось дед
опытнөй вөралысь. Нинөм ськөд туйын эз ло,— такө-
дісны вөралысьяс.

Валентина Сергеевна Ошкашорын оліс дас өти
лун. Кор висьысь дзикөдз нин бурдіс, больничаса заве-
дующөй Ардальон Ивановичсянь воис радиограмма:
«Аттьө тіянлы. Аски ыста самолёт».

Мөд лунас жө, луншөр гөгөрүн, Ошкашор весь-
тын мыччысис самолёт. Сійө вөчис неыджыд кытш да
пуксис охотбаза горулө.

Лётчик вайис вөралысьяслы газетаяс, книгаяс,
письмөяс, медикаментъяс. Воис письмө и Валентина
Сергеевалы. Лөз конверт пиын куйліс ичөтик бумага,
кытчө чукульёсь гырысь букваясөн вөлі гижөма немы-
мын кыв: «Бур нылөй, дона Валентина Сергеевна!
Гортө ме вои бура. Старукакөд виччысям тэнө пось
шаньга сёйны. Непременнө виччысям. Опонь дед».

— Молодеч, Кузьмич!— челядь моз радліс врач.—
Воёма лючки. А ме вөлі шогся...

Онi, кор воис кад торйөдчыны и колө вөлі мунны
самолёт дінө, Валентина Сергеевна эз тэрмась, а меліа
видзөдіс ичөтик Наташа вылө да сылөн батыс вылө.

— Меным пөра,— медбөрын шыасис сійө да гарт-
чыштіс шоньд шалльөн.

Валентина Сергеевна прөщайтчис аслас выль ёртъ-
яскөд. Кутшөм унатор көсйис висътавыны Кынев, но эз
вермы. Дыр мысти нин сөмын шуыштіс:

— Ме некор ог вунөд тiянөс, Валентина Сергеев-
на, нэм чөж кута помнитны.

— И ме ог вунөд, тетя Валя,— врач гөгөр бергаліс
Наташа.— Мөд во велөдчыны нин кута и письмө тэ-
ныд гижа. Ме, тетя Валя, врачө жө велөдча.

— Велөдчы, Наташа, велөдчы,— нюмъяліс Вален-
тина Сергеевна, сэсся выльысь кутыштіліс да окаліс
мелі нывкаөс.

...Кор самолёт кыпөдчис сөдз небесаө да кытшовтіс
база весьті, Валентина Сергеевна видзөдліс увлань да
аддзис: базадінса нөрыс йылын сулалісны Наташа да
сылөн батыс, и кыкнанныс өвтісны носөвөйясөн
ылыстчысь самолётлы.



АГНИЯ ИВАНОВНА

МТС-са директор, латшкөсүник тушаа, бритөм юра, шөр арлыда мужчина пукаліс аслас кабинетын да тэрыба мыйкө гижис.

Кыліс телефонлөн ёсь звөнок. Сійө привычнөй киөн босьтіс трубка.

— Алло! Васькин кывзө! А, тайө тэ, Кузьма Кузьмич? Чолөм, чолөм! Көйдыс кузяыд?.. Талун вайисны пароходөн. Тіян колхозө быдса пуд ыстам. Да, пуд! Дзик пыр машина петас. Туйыс, шуан, вывті омөль? Гашкө, кызкө воөдчасны. Аски жө көдзөй, а то сёрманнды. Эн гөгөрво? Аски жө, мися, тайө сортөвөй көйдыссө колө көдзны. Участокыд дась? Но, но! Рыт-нас, сідкө, виччысь машина... Движоктө ремонт вылад ыстан шофёрыскөд: сійө тыртөг кутас локны...

Эз на удит директор помавны сёрнисө — коридор-сянь кыліс таркнитөм шы.

— Пырөй! — Васькин бергөдчыштіс.

Өдзөс дорын сулаліс МТС контораса стөрөжика Агния Ивановна Онькова, ар нелямын вита, шөркодь тушаа нывбаба, кодлөн писти висьөмысь чужөмас и ныр йылас төдчисны посныдик гуранъяс.

Кузьма Кузьмичкөд өти-мөдтор йылысь телефон пыр сёрнитыштөм бөрын Васькин пунктис трубкасө да шыасис Онькова дінө:

— Агния Ивановна, заявлениетö тэнсыд видзöдлi. Вежон кежлö поэö ветлыны гортад.

— Атьö, Роман Петрович,— юрсö копыртыштлiс сiйö.— Зэв ыджыд атьö. Нель во нин эг вöв гортын.

— Буретш Пычимöдз öнi кутас мунны машина. Тэд, буракö, сэсянь абу нин ылын?

— Куим верст лыддьöны.

— Мун, сiдзкö, чукöстлы шофёрöс.

Агния Ивановна крута бергöдчис да кыв шутöг петiс. Васькин малыштiс бритöм юрсö, гурийв восьтiс öшинь. Ывласянь пöлыштiс небыдик тувсов төв. Енэжыс вöли кымöртöм, сэзь. Воздухсыс öвтiс чöскыд дук.

— Корин менö, Роман Петрович?

— Да,— лöz ной гимнастёркасö паськыд тасма улö суйыштiс Васькин да вешйис öшинь дорысь.

Шофёр кисö чышкыштiс комбинезонас, сэся сьöкыда пуксис. Сылы позис сетны кызь вит арöсысь не унджык. Васькин кодь жö латшкöсиник тушаа, паськыд пельпомъяса, ён мускулъяса. Шылыда бритöм гöгрöс чужöмас ворсiс алöй вирпас. Серöй кепка увсьыс тыдалiс дженьыдик рыжöй юрси. Хромövöй сапöгыс шötкаөн ниртöмысь лöсталiс югыд самöвар моз.

— Машинаыд дась?

— Дась.

— Складысь öнi жö босьтан дас квайт килограмм кöйдыс да пырысь-пыр сiйöс нуан Пычим колхозса председателы.

— Кузьма Кузьмичлы?

Агния Ивановна сюся видзöдлiс шофёрлань, вежсис чужöм вылас.

— Да, Кузьма Кузьмичлы.

Гриша кыпöдчис улöс вылысь, но Роман Петрович тшöктiс бөр пуксьыны.

— Кыззы помöдз да вöлисти,— öлöдiс сiйöс директор.— Тайö кöйдыссö мянлы Москвасянь учёнöйяс ыстiсны. Дзик выль сорт кöйдыс. Нуны колö öкуратнöя, мед ни öти тусь некытчö эз вош. Пычимö воёдчан талун жö.

— Туйыс кö абу сэтшöм омöль, рыт кежлö, дерт, поэö воны,— синсö читкыралiс шофёр.

Агния Ивановна, кодi öнöдз сулалiс порог дорын да эз шыасьлы ни öти кывйöн, вöсньыдик гөлöсөн шуис:

— Кысь нө өні бур туйыс, Гришенька. Сэтчө жө зэрис.

Роман Петрович матыстчис шофёр дорө.

— Туй омоль, но ме надейтча тэ вылө, Григорий Андреевич.

Директорлөн «Андреевичөн» ыдждөдлөмыс, тыдалө, шофёрлы воис сьолөм вылас: чужөмыс тыри нюмөн. Роман Петрович өзтис папироска да заводитис ветлөдлыны небыдик ковёр кузя.

— Но кыздэ?

— Кутам старайтчыны,— вочавидзис Гриша.

Пызан вылысь Васькин босьтис пакет да мыччис шофёрлы.

— Тані инструкция. Эн вошты. Предсательыслы сетан. Пакетсыс да көйдыссыс босьтан сысянь расписка. Бөрсө локтигөн колхозысь МТС-ө ваян движок. Кузьма Кузьмичкөд ме та йылысь сёрниті нин.

Шофёр довкнитыштис юрнас, босьтис пакетсө да тэрыба суйис комбинезон зептас.

— Да ещө отитор,— дум вылас уськөдіс Роман Петрович.— Аскөдыд тшөтш босьтан Агния Ивановна-ос. Сійө гортас мунө батьсө видлыны. Буксуйтны кө кутан, отсыштас тэд. Менам ставыс.

* * *

МТС-сянь Пычимөдз лыддьоны квайтымын километр. Тракт нюжөдчөма синмөн судзтөм паськыд парма пөлөн. Кузь вөлөкөд мунігөн паныдасьлө сөмын өти ичөтик сикт да лесопункт.

Кор Гриша да Агния Ивановна петісны туйө, вөлі нин луншөр кад. Тувсов шонділөн югөрыс вөччис машина бөрся да малаліс сійөс небыдик кинас.

Войнас крута зэрөмысь туйывса гураньясын бузвидзис ва, коді шонді водзын дзирдаліс зеркалө моз. Важиник «полуторка» көтасьөм туй кузя муніс надзөн. Гриша чорыда кутіс рульсө аслас вына кийн, поліс машинасө бөрөздаө лэдзөмысь.

Агния Ивановна пукаліс шофёркөд орччөн да думайтис гортсаяс йывсьыс, жалитис батьсө, коді дыр кад нин висис. Сійө вөлі пасьтасьөма сэтшөм жө прөстөя, кызди пасьтасьліс и уджалан луньясө: дженьыдик сьөд пальто, кодлөн морөсыс заводитөма нин едждыны, гөрдов рөма паськыд сарапан, кутшөмөс новлөны

Емва вожын, гырысь серъяса шерстяной чышъян, код тупкис шочиник русой юрсисо, да кусыньтом голена яловой сапог, абу на ена важ, но абу нин и выль.

— Гуранъясодыд видзчысь, а то жугодан машина-то,— корсюрё сийо советуйтліс Гришалы.

Паныдасьліс ко джуджыд чой, Агния Ивановна лон руд синъясыс шофёр выло озыштлісны.

— Надзонджык тати.

— Полан?— скоростысо переключитигон сероктыштіс Гриша.

— Менам бать часто шульвлө: надзонджык мунан — ылөджык воан.

Шофёр нинөм эз вочавидз. Агния Ивановна бергодис юрсо веськыдвыло да кутис видзодны туй полон быдмысь пуяс выло, кодъяс муртса на заводитомаось вевттысысны посныдик виж коръясон.

Сук вораины да ньывкос местаясын шочиника тыдовтчылісны съодасьом лым пластыяс, кодъясос шонди абу на удитома ньылыштны. Посъяс увти бузгисны симом корт рома паськыд шоръяс.

Кымын водзо мунисны найо, сымын енджыка омольтчис туйыс. Сейодджык местаясод воли сэтшөм вильыд, мый ковмис вуджны медичот скоросты выло. Тыртөм машина кутис буксуйтны пыр частоджык. Гриша петис терпениесыс да, стөрөжикаысь яндысьтог, лёк кывъясон кутис видчыны дорожной отделса уджалысыс выло.

— Проста видчан, Гриша.

Шофёр мыйко косийс вочавидзны, но сэки «полупорка» крута бергодчис места вылас да бор колесаяснас бузгысис джуджыд бөрөздао. Агния Ивановна чорыда зутшкысис журнас. Гриша тэрыба выключитис мотор да, парсо курчөмон, чеччыштіс туй выло.

— Эн доймы?— тиралан голөсон юалис сийо.

— Эг.

Онькова дыр на эз вермы петны машинасыс, чеччаниныс туй вылас воли вывти няйт. Гриша видчис воддза дорсыс енджыка, сэсса шуис:

— Воим, буракө, Ивановна.

— Чайтан, ог вермой петны?

Вель дыр кыкнанныс чөв олісны.

Енэж они эз нин вөв асывводзсакодь содз. Парма весьтод шлывгисны посныдик кымөр пластыяс.

— Мед көть кӱйдысным эз киссы, — кок чунь йылас кыпӱдчылӱмӱн машина кузовӱ видзӱдлӱс Агния Ивановна. Кӱйдыс мешӱк куйлӱс важ местаас на.

Шофӱр да Онькова судзӱдӱсны кузовысь зыръяс, заводитсны весавны мусӱ бӱр кӱлеса увсьыс, кодӱ джынвийӱ пукалӱс няйтын.

Гриша вель унаысь нин пуксьылӱс руль сайӱ, а машина некыдз эз кӱсйы вӱрзьины. Кӱлеса улас сюйисны кражъяс, потш помъяс, но и тайӱ эз отсав.

Час-кык сайӱ найӱ ноксисны сӱнӱ. Медбӱрын машина лои перйӱма. Сийӱ выльысь нин шердйис омӱлик туйӱд. Телеграфной столбъяслӱн вуджӱръясыс ӱнӱ кажитчисны ӱна кузьджыкӱс. Стеклӱ костӱд кабинаӱ визула пискӱдчис лун тӱв. Сийӱ гильӱдӱс чужӱм, ныр пытшкӱс.

Агния Ивановналы дум вылас уси МТС-са директорлӱн шофӱркӱд сӱрнийис. «Збыль ӱмӱй Пычимын Мишарин уджалӱ. Оз вермы лоны. Сийӱ жӱ Сыктывкарын вӱлӱ служитӱ. Мӱд, тыдалӱ, кодкӱ... Кузьма Кузьмичъясыд жӱ унаӱн эмӱс».

Недыр муныштӱм бӱрын тыдовтчис ичӱтик сикт. ХТЗ трактор мурзӱгтырйи ас бӱрсяыс кыскис сьӱкыд плуг. Трактористка, томиник нывка, пӱрччис юрсьыс гӱрд чышъянсӱ да, кисӱ вылӱ лӱптӱмӱн, унаысь ӱвтыштӱс ӱдийӱ мунысь машиналань. Гриша казялӱс тайӱс да воча шеныштӱс кепканас.

— Гӱрӱны-кӱдзӱны нин бур йӱзыс, — муяс вылӱ видзӱдлӱс Онькова. — Мед көть ми ог жӱ сӱрмӱй кӱйдыснад. Со мый дыра лои сулавны.

— Ог сӱрмӱй, — спокойнӱя вочавидзис шофӱр.

Онькова нӱровтчыштӱс сидение мыш вылӱ, шуйга кинас тупкис синъяссӱ да дыркодь чӱв олыштӱм бӱрын юалӱс:

— Пычим колхозас нӱ кутшӱм Кузьма Кузьмич председателысь?

— Мишарин... Кузьма Кузьмич, — бергӱдчывтӱг шуыштӱс Гриша. — А тӱ сийӱс тӱдан али мый?

Оньковалӱн киясыс дрӱгнитӱсны, чужӱм кузяыс искӱвтӱс гӱрд визь. Сийӱ юрсӱ лӱдзис увлань да надзӱникӱн ӱветитӱс:

— Мишариныс коркӱ менам верӱс вӱвлӱ.

— Тӱнад?! — чуймӱмӱн видзӱдлӱс сы вылӱ шофӱр.

— Менам. Қызь во коли сӱсянь.

Агния Ивановна чабыртис чышъян тугсö, чышкыш-
тис вомдорсö, а сэсса кызкö неокотапырысь заводитис.

— Эг лöсялöй характерөн. Ме вöли рамник, омö-
ля велöдчöма, мукöдъяс моз абу мича... Кузьмалы ре-
гыд мустöмми. Мунис сийö кык во кежлö велöдчыны,
а сэни сэсса гöтрасьöма мöд вылö.— Онькова веськö-
дыштит сарапан вывсьыс чукурсö, кыпöдыштит юрсö.—
Сьökыд первойсö вöли. Ок, кутшöм сьökыд! Нэм чöж,
тыдалö, ог вермы вунöдны Кузьма вылö öбидасö.

— А ме ногөн, Мишарин абу шыбитана морт. Во-
джын на уджалö, а колхозыс дзыкöдз вежсис.

— Уджсьыд Кузьмаыд оз пов. Ме, гашкö, та вöс-
на и радейтли сийöс.

Гуранъяс, мылькъяс Гришалысь тыртöм машинасö
шыблалисны пыр частöджык.

— А челядьныд эз вöв?— интересуйтчис Гриша,
кор Онькова дугдис висьтавны.

— Эм öти ныв. Кызь куим арöс таво тыри. Печо-
раын öни сийö велöдö.

— Отсалис жö öд Кузьма Кузьмичыд нывтö быд-
тыныд?

— Сы вылö та кузя норасьны ог вермы. Но отсöг-
ысь öтдор Аннушкалы колö вöли и бать. А Кузьма та
йылысь сэки эз думышты.

Гриша бергöдчыштит став тушанас, кöсйис на
мыйкö юавны, но сийö жö здукас машина чорыда сатш-
кысис гуранö. Водз кöлесаяснас кучкысьöмысь став-
нас дрöгнитлис да мыйкö чорыда трачмуні. Метр-мöд
исковтöм бöрын «полуторка» ас дінсьыс сьöлыштит
шапка пасьта еджыд тшын ёкмыль да пыр жö сувтит.

Шофёр мыжа морт моз энöвтит кабина, заводитис
видлавы машинасö. Агния Ивановна пукалис зу-
мыштчöмөн.

— Рессорыс чегöма,— мыйвынсьыс Гриша чуж-
йис кöлесаö сапöг нырнас.

— Водзö мунны, сидзкö, оз позь?

— Дерт, оз,— шофёр сулалис коксö паськөдöмөн
да гораа видчис.

— Мый кутам вöчны?— юалис Агния Ивановна.

— Вöчны нинöм. Пычимöдз тасянь кызь кык кило-
метр. Запаснöй рессора абу.

— Кöйдыснас кызди?

— Мый кöйдыснас?— эз гөгөрво Гриша.

— А колхозын ӧд сійӧс виччысьӧны.

Шофёр пыдісянь ышловзис, скӧрысла нетшыштис юрсьыс кепкасӧ. Агния Ивановна петіс машинаысь. Чегъялыштис лыс лапъяс, сэсся пуксис бӧрӧзда боко да кутіс видзӧдны Гриша вылӧ. А син водзас сідзи и бергаліс Кузьмалӧн чужӧмыс. «Сідзкӧ, Пычимын сійӧ. Но и мед. Кутшӧм ӧні меным сьӧдз мог. Ог весиг кӧсйы паныдасьнысӧ... Аннушкаӧй быдмис. Бур йӧзыс отсалісны сылы велӧдчыны. Ачым ола ог омӧля. Бур уджалӧмысь медальӧн наградитісны».

Унатор йылысь на эськӧ думайтис Агния Ивановна, но синъясыс мыджсисны машина кузовӧ, кӧні куйліс кӧйдыс. «Коді нӧ нуас Пычимӧ тайӧ кӧйдыссьӧ? Мый шуасны райкомын да МТС-ын, Гриша вӧсна кӧ колхозын сёрмасны кӧдзны? Москвасянь со кӧйдыссьӧ ыстӧмаӧсь. Профессоръяс, колӧкӧ, войяссӧ эз узыны, ӧти-ӧти тусьӧн, гашкӧ, сійӧс чукӧртісны».

Шонді воши тшӧтшкӧс юра ылі вӧр сайӧ. Надзӧникӧн шлывгисны посныдик ді кодъ кымӧр пластьяс. Найӧ быттьӧ полісны ӧта-мӧдсӧ панийыны. Гриша некымынысь на видлаліс жугалӧм рессорасӧ да быдпӧрйӧ вочавидзліс ӧтитор: «Некутшӧм надея абу». Щӧть моз сулалысь рыжӧй юрсиыс сьлӧн машина улӧ унаысь пыралӧмысь сьӧдасис.

— Мый кутам вӧчны? Мый вӧчны?— дугдывтӧг кытшлаліс-жӧдзис машина гӧгӧр да шуаліс Гриша.— Роман Петровичӧс подведиті. Видчыны кутас...

Агния Ивановна чеччис бӧрӧзда бокаысь да сарапан вывсьыс пыркнитіс ӧгсӧ:

— Пуд кӧйдыстӧ и подӧн на позяс нуны.

— Подӧн! Кызь кык километрсӧ?

— Сьӧкыд, дерт, но нинӧм он вӧч.

— А машинасӧ ӧтнассӧ он коль!..

— Машина дорӧ кольччан тэ, а ме кӧйдыссьӧ нуа,— сэтшӧм жӧ спокойнӧя вочавидзис Агния Ивановна.

Шофёр калькнитіс вомсӧ да гӧгӧрвотӧма видзӧдіс Онькова вылӧ, думнас век на эз эскы сылы. Онькова гӧгӧрвоис тайӧс да выльысь шыасис:

— Қывлін, мый висьталіс асывнас Роман Петровичыд: рыт кежлӧ пӧ кӧйдыс мед вӧлі колхозын.

— Пола ме, Ивановна, он вермы тэ подӧнтӧ нуны,— чӧв олыштӧм бӧрын шыасис шофёр.— Ылын ӧд Пычимӧдзыд! Да и регыд вой пуксяс.

Агния Ивановна эз дзык пыр вочавидз, видзөдліс векныдик туй вылө, кыті ковмас сылы восьлавны войбыд, сэсса ышловзис.

— Шуштөм, дерт, нывбаба мортлы вой кезлө вөлөкө петны, но өд кйдыссө колө нуны.

Вөр йывті кыпөдчис еджыд ру. Ывлаын лои төдчымөн ыркыджык.

— Но, мый чөв олан?— мудзыштөм коссө веськөдыштіс Агния Ивановна.— Сэні жө виччысьоны кйдыссө.

— Тэ жө Кузьма Кузьмич вылө лөгалан,— няйтось сапөг вылас видзөдліс Гриша.— И верман лөг кузя...

Агния Ивановна зумыштчис, кисө пуктіс коскас, сэсса стрөга видзөдліс шофёр вылө.

— Кйдыссө ме нуа Пычимса колхозникъяслы, а ог Кузьмалы...

Гришалы яндзим лои аслас кывъясысь. Минута дас мысти Онькова торйөдчис машина дінысь да өтнасон петіс кузь вөлөкө. Мышкас сылөн тыдаліс кйдыс тыра мешөк. Туй вылын сулалысь шофёр ылөдз колльөдіс сійөс синъяснас.

* * *

Пемдытөдз Онькова удитіс на прөйдитны матө квайт километр. Кйдыс мешөк, коді первойсө кажитчис кокниөн, вочасөн сьоктаммис. Пөсялөмла лои разявны пальто кизьяс. Гоз-мөдысь нин ковмис пуксьывны шойччыны.

Туй пөлөн сулалысь веськыд пуяс вөйтчисны войся рөмыдө. Лөз енежыс надзөникөн сьодасис. Гөгөр лои шычнирач. Унмовсис парма. Тыдалө, и сійө мудзис кузь лун чөж шувгөмысь. Агния Ивановна век восьлаліс и восьлаліс. Корсюрө кылыштліс войся пөткаяс-лөн чуксасьөмыс да тувсов шоръяслөн бузгөмыс. Қымын водзө муніс сійө, сымын ёнджыка кутіс мудзны, кокъясыс дугдывтөг крукасьлісны. Жарысла косьмис вом пытшкөсыс. Чужөм вывсьыс войталіс ва. Қок улө веськавліны ва гуранъяс, мылькъяс, восьлавны ковмис видзчысьөмөн. Сэк жө некыдз эз вермы ас дінсьыс вөтлыны Кузьма йылысь думъяссө. Обидаыс, коді вөлі вунөма нин кызь во чөжөн, өні вылысь дойдіс сылысь сьөлөмсө. Збыль өмөй ковмас паныдасыны

сылы вöвлөм мужикыскөд. «Мый нө ме нервничай-та нинөмабусыс,— асьсө бурөдiс Агния.— Колөкө Кузьма абу и гортас».

Агния Ивановна көть вöйдөр и унаыс нин вудж-львлiс тайö кузь вөлөксө, век жö войнад вöли кызкө шуштөм. Туйыс буретш öнi мунiс вөр пөвстөд. Весь-кыдвылас тыдалiсны багатыр кодь ён козьяс, пась-кыд шапкаа джуджыд пожөмьяс. Шуйгаладорас быд-мисны байдөг кодь еджыд кызьяс, вöсньыдик бадьяс да мукөдпөлөс пуяс, кодьясөс пемыд вöснаыс сьөкыд вöли торйөдны.

Чой паныд кайөм бөрын Онькова содтiс воськовсө.

Асья төв вөрөшитiс шочиник юрси пратьяссө, чышьянылыс тугьяссө. Мыйкө дыра муныштөм бөрын паныдасис неыджыд ю. Тувсов ва ыджыд шумөн и-ковтiс пос увтi. Шор гурансянь ыркнитiс көдзыд асья ру. Агния Ивановна матыстчис пос дорө. И сэки ю вылыс, бордйөн швачөдчигтыр, кыпөдчис утка стая. Онькова быдсөн дрөгнитлiс. Сийө важөн нин эз аддзыв та мында уткасө. Уткаяс вылө видзөдiгөн кыт-чөкө крукасис кокыс и, ачыс эз төдлы, кызди уси пос вылө. Доймис пидзөсыс. Мешөкыс чорыда шнөпкысис. Öта-мөдыслы вежмөн горзiгтырйи уткаяс вөчисны ыджыд кытш да лэбисны видзьяслань. Агния Ива-новна кинас мыджсьөмөн кыпөдчис, но мыйкө кутiс сяргыны сапөг гөлень кузяыс пос вылө.

— Ак, мешөкөй, тыдалө, потөма!— повзис сийө.

Мешөклөн пыдөсыс збылыс вöли потөма. Онькова копыртчис му бердө, öдйө заводитiс чукөртны киссьөм көйдыс тусьяссө, сэсся пөрччис чышьянсө да мешөксө гартыштiс сийөн.

Кор став көйдыссө лои чукөртөма, ю весьтөд пись-көдчис нин югыд рөм, дженьыдик тувсов вой помасис. Агния Ивановна чышкыштiс пөсялөм чужөмсө, ещө на видзөдлiс ас гөгөрыс, эз-ө кольны кытчөкө көйдыс тусьяс, да мөдөдчис водзө.

Ловзис парма. Посньыдик лэбачьяс садьмисны пу вожьяс вылын да долыда сьылисны. Туйбокса бөрөз-даясын ланьтлытөг квакiсны лягушкаяс. Югдөм бө-рын мунны лои кокньыдджык, но сьөкыд мешөк дой-дiс пельпомсө, а Пычимөдз вöли километр вит кымын на.

«Ачым вөзйыси көйдыссө нуны, сiдзкө, нинөмла и няргыны»,— такөдiс асьсө нывбаба.

Асья шонді кыпөдчис пыр вылөджык и вылөджык. Неылын тыдовтчисны нин паськыд муяс. Вежөдыштөм рудзөг өзим ворсіс шонді водзын. «Воны жө, тыдалө, кути»,— думыштіс сійө.

Часджын мысти Агния Ивановна пырис Пычим сиктө. Пач трубаясысь пуркйис руд тшын. Сикт вөлі шызьөма нин асья горөн. Дзуртісны керка өдзөсьяс. Ывла вылын котсісны чипанъяс, увтчисны понъяс. Колхозной пастух, кузь плетьөн өвтчигтырйи, вөтліс мөсьясөс вөрө.

— Дедушка, көні нө тіян колхоз правлениеыд?— мудзөм гөлөсөн шыясис Онькова.

— Правление?.. Со веськыдвылас витөд керкаыс,— плетьпунас индіс пастух.

Кымын матынджык кутіс лоны колхоз правление, сымын өнджықа тіпкис сьөлөмыс. Оньковаөс повзьөдліс Кузьмакөд аддзысьөмыс. «Кыдзи паныдася ськөд? Сійө, көнкө, выль семьяад важөн нин вунөдіс менө. Куим челядь пө тай...»

Правление вөлі өти судта пу керкаын. Вит өшинь видзөдісны туйладорө. Агния Ивановна кежис сэтчө. Мудзөм кокъясыс некыдз эз көсйыны кайны кильчө поскөд. «Ок, кутшөма мудзьөма»,— косьмөм пардорсө нюлыштіс сійө да шуйга кинас таркнитіс өдзөс вугйө.

«Коді сәні, пырөй!»— стен сайсянь кыліс өн мужскөй гөлөс.

Агния Ивановна воськовтіс порог вомөн. Гөрд сатинөн вевттьөм пызан сайын пукаліс ар ветымына, ыджыд тушаа, сьөд сатин дөрөма мужчина. Сійө ләптіс юрсө, видзөдліс комнатаө пырысь нывбаба вылө, и чужөмыс лои пызандөраыс кодь жө гөрд.

— Агния, тэ?— дыр мысти юаліс сійө.

Тайө вөлі Кузьма — Оньковалөн вөвлөм верөсыс. Гөлөсыс да видзөдласыс сылөн вөліны пыр на сэтшөмөсь, кутшөмөн Агния Ивановна найөс төдліс кызь во сайын.

— А тэ тілышт синъястө, видзөдлы бурджыка. Гашкө, эн на вунөд...— косакодь вочавидзис Онькова. А ачыс сулаліс порог дорын да эз төд, мый вөчны. Сөмын кыліс, кыдзи гораа да тэрыба йөктіс сьөлөмыс. Руд синъясыс югнитлывлісны.

Агния быдногыс старайтчис босьтны асьсө киö, но неkyдз эз вермы. Сылы кажитчис, мый тайö ляпкыдик правлениеас сийö сулалö вель дыр нин.

Кузьма Кузьмич мыйлакö разис дөрөм кизьсö да пызан йöрсыйс судзöдис папирос пачка.

— Кысянь нö?— öшиньлань бергöдчöмөн куритчиг-тыр юалис председатель.

— Койдыс со вайи МТС-сянь...

— Тэ вайин?

Агния Ивановна сэк пельпом вывсьыс джоджö лэдзис мешöк, питшөгсьыс кыкис ичотик пакет да пуктис пызан помö.

— Койдыссьыс да письмөсьыс гиж расписка. Роман Петрович тшöктис расписка босьтны.

Тöдчö вöли, кыдзи письмөсö лыддигөн Мишаринлөн тиралыштисны киясыс. Агния казялис тайöс да сингьяссö вештис бокö. Сийö эз вермы видзöдны Кузьмалөн ыджыд кияс вылö, кодьяс кутлисны öнi мөд нывбаба-öс. Медбöрын председатель чеччис да петис пызан сайысь.

— Подөн вайин?

— Машинаыс жугали вөлöкас, Козья ёль дорын.

— Жугали, и тэ мешöксö кызь кык километр ас вылад кыскин?

— Да,— синсö лэптывтөг сёрнитис Онькова.— Вистав телефон пыр Роман Петровичлы, медым шофёрыс динö ыстас машина.

— Тöдi кö, ме эськö вöлаөс паньд ыстыли. Кыдзи нö татшөм мешöксö ас вылад? Эз-ö нин Роман Петрович прикажит подөн нуны?

Агния Ивановна вылөджык лэптис юрсö, сэсся го-раа вочавидзис:

— Эз... Некод меным эз сетлы татшөм приказ.

— Атгьö тэныд, Агния,— мыйкö дыра чöv олөм бöрын шуис председатель.— Ми ёна нин виччысим тайö сортövöй койдыссö.

Недыр кежлö комнатаын бара лолi чöv-лөнь.

— Кыдзи нин сэсся Аннушка олö?— ныв йывсьыс гарыштис председатель, а ачыс бара гөрдöдис.

— Нинөмла тэныд юасьнысö.

— Кыдзи нö? Сийö жö менам ныв.

— Войдөр колi ёнджыка интересуйтчыны.

— Мый нӧ вӧчан — ӧшибка лои. Тэ прӧстит менӧ, Агния.

Агния Ивановналӧн плешыс лои чукурӧсьджык. Сийӧ зумыша видзӧдліс Кузьма Кузьмичлы синмас да сӧрнисӧ бергӧдіс мӧдлаӧ.

— Ме тэрмасы,— шыасис сийӧ.— Ректы мешӧксӧ да гиж расписка. Меным ӧд гортӧдз на колӧ мунны, куйм верст...

— Вӧв тшӧкта додьявны, вӧлӧн нуасны,— заводитліс Мишарин, но Онькова эз кут кывзыны.

— Оз ков. Подӧн нин кызкӧ воа.

— Пыр на лӧгалан ме вылӧ, Агния?— кызд вермис меліаліс Кузьма Кузьмич.— Ӧнӧдз ме вылӧ ӧбида кутан?

— А тэ кызди думайтан?— гордӧя крапкӧбіс Онькова.

Кӧйдыс ректӧм бӧрын председатель гижис расписка да мыччис сийӧс Агния Ивановналы.

— Ыджыдысь-ыджыд аттьӧ, Агния. Аттьӧ миян колхозникъяс нимсянь и мясянь,— председатель кӧс-йис кутыштлыны Оньковалысь кисӧ, но сийӧ крута бергӧдчис, элӧдыштіс чышъянсӧ да, кыв шутӧг, петіс посводзӧ.

Кузьма Кузьмич паськыда восьтіс ӧшиньсӧ. Сылы окота лои ещӧ ӧтчыдысь видзӧдлыны важ гӧтырыс вылӧ, чужӧм вывсьыс аддзыны тӧдса чертаяс, кодъясӧ Кузьма важӧн нин вунӧдліс. Но Агния Ивановна вось-лаліс тэрыба, юрсӧ вылӧ лэптӧмӧн, весиг ни ӧтчыдысь эз бергӧдчыв бӧрвыв.

1954 во.





ДУНЯ

Рёмыднас на фермаса уджалысьяс воисны Эжва дорё. Войвывсянь пöльтис вынйöра төв. Веж гы пластьяс, öта-мöдсö тойлалігтыр, ыджыд шумён быгласисны ва паныд, усьласисны лыа көса вылö.

Ю вылö лэдзисны ёсь ныра тьöс пыж. Вильыш синьяса, рыжöй юрсиа Сима Габов, колхозной пастух, öзтис папирос, пуксис бöжавны. Том ичмоньяс — Анна да Валя — босьтисны пелысьяс. Медбөръяөн эновтис берег Дуня Попова, таг мешöк кодь кокныдык, чангыль ныра, пыдö вöйöм синьяса, раминик ныв. Сійö вöлі мукöд дояркаяс серти пасьтасьöма бурджыка: сьод юбкаа, посныдык цветьяса лöz ковтаа, кудритчыштöм юрсисö öкуратной пуктöма выль көсынка улö.

— Симкалы вöччин, — гусьöникөн шöпнитис нывлы Валя, но Дуня немтор эз вочавидз.

— Ой, кыз нö вуджам! — ышловзис сійö да пуксис пыж шöрас, Пекла тьöткөд орчөн.

— Полан кө, синьястö кунь, — серöктис Сима.

Визув ва нетшыштис пыжсö, петкөдіс шöрлань. Пызан судта гыяс чорыда кучкысьлісны öпаснойö. Кокныдык пыж то сунлас, вошлö гы костас, то пробка моз чеччышталас вывлань. Дуня пукалö öдва ловья, полö ыджыдджыка лолыштны, топыда кутчысьöма

пыж пуклөсө. Повзьом синьясыс гажтома дзоргоны Сима вылө, быттьө виччысьоны сысянь отсөг. А Сима тшапа пукалө пыж бөрын, нюмъялө. Муртса Дуня синьяссө вештыштлас Сима вылысь, сийө нарошно городас, мудера мигнитас ичмоньяслы. Дунялөн ыркнитлас сьөлөмыс, чужом вылас мыччысьласны гөрд пятнаяс. А зонлы — любө.

— Дугды, өкаяннөй, — крукыльтчыштөм чуньнас грөзитчө Пекла тьöt.

Дунялы кажитчө, мый некор нин найө оз волены мөдар берегас. Сийө көсийө бергөдчывны, видзөдлыны сынысьяс вылө, но юрыс сьөктаммөма, оз кывзысь. Окота мыйкө шуны Сималы, а кывьясыс дзугсьоны.

Дыр на, гашкө, мучитчис ныв, но ёсь ныра пыж зургысис берег дорө. Дуня кокниа ышловзис, котөрөн уськөдчис бадь кустьяс динө. Оні сийө сулаліс чорыд му вылын. Сьөлөмыс вочасөн бурасис, кокьясыс дугдісны дрөжжитны.

— Полөмыдла, көнкө, весиг кокнялін, — сералө Сима.

«Эк, Сима, Сима!.. Мыйла пыр сералан? Ме жө радейта тэнө, рыжөй чөрт, а тэ нинөм он гөгөрво», — думайтис дас көкьямыс арөса ныв, кодлөн морөс пытшкас тэрыба тіпкис пөсь сьөлөм.

Кымөрьяс костөд писькөдчис шонді. Льөм кустьяс вылын сьылісны мича гөлөса лэбачьяс. Дояркаяс восьлалісны векньыдик туй кузя; то сьывны горөдласны, то шутитыштасны өта-мөд вылас. Дуня да Анна мунісны медся водзын.

Гожся лагерө войгөн нин Дуня кок улысь чепөсийс мольыд гөна ичөтик шыр, тэрыба тюркнитис вужля улө. Нывка мыйвынсьыс чилөстис, горзігтыр уськөдчис бөрлань. Ылөдз эськө, гашкө, пышйис, но шеді пастух киө.

— Но и но!.. Қоді тэнө рөдитөма татшөм полысьнас? Шырөс аддзин и горзан.

Ставөн гораа серөктісны. Дуня эз лөгась сералысьяс вылө. Сийө збыльысь поліс унаторйысь: аддзас кө сувтса синьяса лягушаөс, садь быртөдзыс чилөстас, виччысьтөг кө турун пиысь лэбзяс ичөтик лэбач, барз ыркнитөма сьөлөмыс. Чардыштас-гымыштас енэжын — нывлөн ыдждөны синьясыс, чужом вылас мыччысьоны гөрд чутьяс. Эз прөста фермаса уджалысьяс

шуны сійӧс «полысь Ӧдюкӧн», а, гашкӧ, и шутник Сима, кодӧ ачыс нинӧмысь эз пов, тайӧ нимсӧ сыль лӧсьӧдӧс.

* * *

Сулалӧсны мича шоныд лунъяс. Фермаса уджалысьяс, ассыныс мӧсьяснысӧ дӧзьӧритӧмоз, некымын лун нин уджалӧсны видзьяс вылын, заптӧсны тӧв кежлӧ кӧрым.

Шондыс вӧлі вӧртас вылын нин, кор дояркаяс воисны лагерӧ. Лунтыр уджалӧм бӧрын найӧ мудзисны, зумышмисны. Быдӧн думайтӧсны ӧтитор йылысь: ӧдйӧджык лысьтыны мӧсьясӧс да мунны гортӧ, кӧні найӧс виччысис пӧтӧс ужын, небыд вольпась.

Мӧсьяс сулалӧсны паськыд йӧр пиын, ӧтияс рӧмидзтӧсны, мӧдъяс ӧвтчисны бӧжъяснас, дорйысисны дӧзмӧдчысь номъясысь. Пастух некӧн эз тыдав.

— Си-ма-а!..— вом дорас кияссӧ пуктӧмӧн чукӧстӧс гождьялӧм чужӧма Анна.

Ю сайын юрӧбтӧс йӧла шы. Ӑтвет эз кыв. Дунялы син улас уси пастухлӧн ватникыс, кодӧс ӧшӧдӧма тыртӧм бидонъяс вылӧ. Ватник мышкас тыдалӧс вель ыджыд бумага лист, кытчӧ гижӧма: «Полысь Ӧдюклӧн эз лок Милочкаыс. Мунӧ корсьны. Аддзысьлытӧдз. Ӑг кӧ во — лыддьӧй геройӧн».

«Бара тешитчӧ,— шпыньмунӧс доярка, но век жӧ кытшовтӧс синъяснас йӧр пытшкӧд. Ыджыд сюръяса мӧскыс сылӧн и збылысь эз вӧв.— Кытчӧ сійӧ вермис лоны?»

— Милочкаӧй абу,— нор гӧлӧсӧн висьталӧс ныв да дояркаяслы петкӧдлӧс пастухлысь «посланиесӧ».

— Эн шогсьы!— бурӧдӧс сійӧс Пекла тӧт.— Сима кӧ мунӧ корсьны, аддзас.

Лысьтысигчӧж нывка думайтӧс Милочка йылысь. Вель унаысь видзӧдлӧс ылын лӧзалысь видзьяс вылӧ, сӧмын тай турун зорӧдъясысь да ляпкыдик кустьясысь кындзи немтор эз тыдав.

Рудов енӧжыс вочасӧн пемдӧс-сьӧдасис. Лои ыркыджык. Важӧн нин йӧв тыра бидонъяс мӧдӧдӧсны вый вӧчан заводӧ, а Сима пыр на эз во. Виччысьтӧг кыпӧдчис тӧвныр. Сійӧ садьмӧдӧс чӧла вугралысь пуясӧс, кышӧдӧс налысь улис коръяссӧ. Дуня йӧжгыльтчӧмӧн сулалӧс потшӧс бердын, кывзӧс пуяслысь шувгӧмсӧ.

Ас кежас пыр на эскис, мый вот-вот Сима вайодас Милочкаос, и лысьтысьом бөрүн отлаын позяс мунны зонкод сиктодз.

— Ти кыдзи кужанныд, а ме гортлань мододча,— кыліс Пекла тьотлөн голосыс.— Мудзи зэв ена, дай челядьой гажтомчасны.

— Дерт жө, мунам. Сима, гашкө, асылөдз оз во,— мыжа морт моз шыасис небыд голөса Валя да посныдик воськовьясон петис туй выло.— Модим, Дуняша. Асылөдзис Милочкаылдлөн вораыс оз пот.

— Мый ти!— быдөн повзис Дуня.— Ме виччысьла Симаос...

Дуня коли отнас. Юрас воисны Милочка йылысь шуштөм думьяс.

«Гашкө, зверьяс нин косявлісны. Колян во на од кык кукань джагодісны. А друг да нюрө сибдіс?.. И мый Симаыс видзөдома!»

Дунялы дум вылас уси, кыдзи сійө кык во сайын первойись локтіс фермаө. Милочка сэки вөлі омөлик, лысьтіс этша. Фермаса заведующой весиг көсийс мододны сійөс калбас выло, но Дунялы сійө лои сэтшөм жаль, мый быдногыс корис кольны Милочкаос фермаө. Заведующой дыр мысти согласитчис. Уна вын пуктіс Дуня, мед сійөс сувтөдны кок йылө. Оні Милочка вөлі медбур москөн сылөн группаын.

Доярка нетшыштчис пу бокысь, петис йөр сайө.

— А-у-у!..

Сималөн голөс некөн эз кыв. «И Сима отнас сэн»,— майшасис Дуня да котортис вөрлань. Кымын ылыстчис, сымын лои гажтомджык. Сійө частө сувтывліс, кывзысис. «Ок, рытыс кутшөм пемыд!»— полігтырйи думайтіс ныв да көсийс нин бөр бергөдчыны. Но сэки жө сьолөмыс тшөктіс: «Корсьны колө, корсьны. Нинөмысь повны». Обиднө вөлі, мый подругаясыс сэтшөм кокниа энөвтисны сійөс, эз отсавны корсьны Милочкаос, и сійө нин оні чорыда шуаліс аслыс, мый корсяс радейтана мөссө. Мед и Сима видзөдлас да оз мод серавны сы вылын. «Нарошнө вот оні петкодла, мый ме абу нин сэтшөм полысь».

Резинөвой сапог улын чарскакылө дженьыдик турун под. Ныв кыті котортыштас, кыті надзмөдыштлас воськовсө. Көть и гажтөм вөлі, но быдног старайтчис венны полөмсө. Морөс пыткас чеччаліс-пессис сьолөмыс.

— Милочка, донай... Көні нө тэ, шыась!

Но, кысь шыасяс. Гашкө, абу нин и ловъя. Гөрдзасис горшдіныс, быттьо сьокыд из өшөдісны сьылі вылас. Важон нин вазис ковтаыс. Пөсялөмысла сотчис вом пытшкөсыс, а сійө муніс да муніс.

«Ух-ху... ух-ху...»— друг кодкө горөдіс чукөрөн сулалысь пуяс дінсянь. Дуня дрөгмуні. Шармисны синьясыс. «Мый татшөмыс? А вот ог повзы. Муна видзөдла. Колөкө, Милочкай сәні».

И сійө мөдөдчис төдтөм гөлөслы паныд. Эз на удит вөчны воськов кызь, кызди кутшөмкө войся лэбач кыпөдчис му бердысь, воши пемыдас. Нывлөн здук кежлө сувтліс сьөлөмыс.

«Дзик жө ме кага кодь, быдторйысь пола,— кодзыд сынөдсө горша апалис сійө.— Сы вөсна и фермаын ставыс сералөны менам полөм вылын».

Мыйкө дыра мысти Дуня воис Кадья арай дорө. Қолө вөлі вуджны мөдар видз грива вылас. Вутшкысь вутшкө чеччалігтыр сійө собис джуджыд эжөр пөвстөд. Бадьяслөн кос вожьясыс кучкалісны чужөмас, морөсас. Қор кос местаөдзыс коли зэв нин матын, ныв прөступитчис, коскөдзыс тюльгысьліс кизьөр няйт пиө. Көдзыд ва сотыштіс кокпөксө, сапөгыс сьөктаммис.

— И ставыс тайө рыжөй чөрт вөсна,— гораа броткис Сима вылө Дуня, сәсся петіс арайсьыс, пыдзраліс юбкасө. Дум вылас уси колхозной собрание, көні сійө көсйысис во чөжөн быд мөслысь лысьтыны кык тысяча да джын литра йөв. Кодюрө шмонитісны сәки раминик ныв вылын, горзісны: «Вылө көсьян лэбзыны, бордтө эн чег!» И друг татшөмтор, медбур мөскыс воши.

Муртса удитіс пөрччыны сапөгсө — шуйгавылын кодкө быттьо бакөстіс.

«Милочка!»— пыр жө гөгөрвоис доярка, да көмтөгыс уськөдчис гөлөс шыө. Дуня эз өшибитчы. Милочка сулаліс арай шөрын, сьөкыда лолаліс. Көзьяйкасө казялөм бөрын сійө кыпөдчыліс, көсйис воськовтны, но выльысь вөйи кынөм улөдзыс.

— Сибдөма,— гөгөрвоис Дуня.

Шыбитіс көсынкасө. Петіс видз вылө, чегьяліс бадь ньөрьяс, лыс лапьяс, шыблаліс найөс мөс кок улө. Пессис дыр, сөмын весь. Милочка некыдз эз вермы петны кос местаө. Ныв гөгөрвоис: өткөн отсавны оз

вермы. И ачыс эз төдлы — сыркъялөмөн бөрддзис. Чангыль ныр боктыс кык вожөн тюрөбтис синва.

— О-о-о! Сим-ка!— горөдіс сійө.— Татчө лок... У-у-у!..

Колины кузь да сьөкыд минутаяс. Доярка эз нин вермы горзыны, гөлөсыс сибдіс. Сөмын курччаліс пардорсө да скөраліс ас вылас: мыйла рөдитчөма нылөн! Но буретш сәки пельясыс кылісны төдса гөлөс.

— Э-е-е!..

— Сима!— И ныв уськөдчис зонлы паныд.

— Тэ өтнад?— шай-паймуніс пастух.

— Сима, донаөй,— Дуня көдзыд кияснас кутчысис Габовлы столб кодь кыз сьыліас, радысла бөрддзис.— Милочкакыд сюри. Со татчө сибдөма.

— Збыль?.. А ме мыйкө нин уялі.

Ныла-зонма эбөс быртөдзныс тільсисны арай пытшкын. Паськөмыс Дунялөн ставыс көтасис, кныс да чужөмыс няйтөссисны. Сөмын асьявылыс нин удайтчис петкөдны мөскөс зыбучинысь.

Мый вөчсис томиник нывкөд тайө минутаясас, сьөкыд висьтавыны: сійө то окыштас мөслысь чужөмбансө, то чышкыштас турунөн няйтөсь вөрасө. А пыдө вөйөм синъясас төдчис сы мында радлун, быттө сійө вөчис зэв коланатор. Сима некор эз чайт Дуняөс татшөмөн. Ныв характерысь өні сійө аддзис мыйкө выльөс, өнөдз аддзывлытөмөс.

— Пасибө, Дуняша,— меліа шуис зон, сэсса нывкалы пельпом вылас пуктіс асьыс кос пинжаксө.— Не тэ кө, ыджыд пакөсть артмис. Ме вөсна өд тайө: омөля видзөді луннас. А тэ, вөлөм, молодец!

Дунялөн долыда ворсісны мудзөм синъясыс. Кутшөм вөлі окота өні окыштны зонмөс, но яндысис.

Бөрсө найө мунісны орччөн. Водзвылас, кокъяссө креставліг, вөсьлаліс Милочка. Енэжын ворсөдчис нин асья кыа. Кыдз пу вылын чеччаліс сырчик. Гажаа шувгисны кудриа юрсиа пуяс. Дуня кыліс Сималысь лов шысө, видзөдіс ворсысь синъясас, шыльыд чужөмас, и асьсө лыддис помтөм шудаөн.

...Тайө случай бөрас Дуняөс некод нин эз нимтыв «полысь Öдюкөн», көть и сійө важмоз поліс шыръясысь, гыа ваысь, чардалөмысь.



БАЯН

Репетиция дырйи жугалі клубса важиник баян, кодос уналаті нин вөлі клеитөма, дөмлөма. Қолхозной бригадир Прошка доктор моз видлаліс-кывзіс сьөкыда пошиктысь баянсө да ыджыда ышловзис:

— Эштіс олөмыс матушкалөн.

— И ремонтируйтны оз позь?— повзисны нывъяс.

— Қарын, гашкө, вөчасны, а менам оз артмы.

Клубса заведующой Надя Ульнырова тшөкмунліс, сәсся скөра тракнитіс вөсньыдик көсанас. Кузьмөсіник чужөмыс, ичөтик синъясыс лоины стрөгөсь.

— Ковмас вөчны.

— Оз, мися, артмы.

— А тэ видлы.

— Вєшьшөрө.

Та бөрын Надя став лөксө лэдзис Прошка вылө:

— Позис жө өкуратнойджыка!..

— Көрт важмө, а тайө — инструмент...— дорйысис баянист.

— Лукич дедлөн баяныд эм,— шыясис сельпоса счетовод Лида.

— Оз сет,— кинас өвтыштіс Прошка.

— Гашкө и сетас,— эз өвсыны нывъяс.

Надялы сьёлөм вылас лои кокныдджык.

— А мый, збыль кө ветлыны?

— Нинөм оз артмы,— юрсө пыркөдіс Прошка.— Он өмөй төдөй Лукичтө? Паньтыр ва оз сет...

Дед Лукичөс, коді тыртис нин сизимдасөд арөс, збыльысь сиктын лыддисны скуп мортөн. Пырас сельпоө, гоньялас-видзөдас төваръяс вылө, нель-ө-витысь юасяс донъяссө, и сөмын сы бөрын кыскас деньга папушасө.

Оліс Лукич сідз-тадз: эз лышкыда, но эз и гөля. Некор эз норасьлыв тырмытөмторъяс вылө. Весиг пөрысьмөм бөрас, кор коли өтнас да уджавны лои сьөкыд, өткажитчис колхозникъяс отсөгысь.

Надя век жө решитис видлыны ассыс шудсө: мөдөдчис дед ордө.

— Ог өмөй вермы вөрзөдны сьёлөмсө?

— Ветлы, ветлы,— сералис Прошка.— Ачыд аддзылан, кутшөм сійө. Менам бабысь на скуп.

Надя петис клубысь. Кизьөреник кымөръяс тэрмасьтөг шывгисны сикт весьтөд. Зумыштчөм енэжсянь шочиника гылалисны гырысь зэр войтъяс. Ныв гозмөдысь кыскыштіс васөд сынөдсө, өддзөдіс шагсө. Сикт помасянінын сійө кежис вит өшиня ен керкаө. Пемыд посводзын кималасөн корсис өдзөссө. Таркнитис өтчыд, мөдысь... Некод эз шыась, көсйис нин бөр мунны, но друг воссис өдзөс да кодкө мурөстіс:

— Цыц, шельмаяс!

Порог дорын сулалис кузь дөрөма, шочиник тошка көмтөм дед. Юрсө быттьө сылысь киськалөмаөсь пызьөн, чужөмас уна судта чуқыръяс. Киас — өщөпек.

— Чайті — челядь дөзмөдчөны,— мыжапырысь шуис сійө.

— Чолөм, Лукич,— керкаө воськовтіс ныв.— Эн төд? Тайө ме, клубса заведующөй...

— А-а,— нюжөдіс дед, сэсса пу крөвать дорысь босьтіс улөс.— Пуксьөй, ошйысьөй.

Надя лөсьөдыштіс лөз макинтошсө, юрси пратьяссө дзебыштіс кашемир чышгьян улас, видзөдліс резинөвөй сапөг вылас, абу-ө няйт, и сөмын сы бөрын шыасис:

— Ме өд мога, Лукич.

Дед быттьө эз кыв. Пызан йөрсьыс кыскис табак көшель, заводитис куритчыны.

— Отсав, Лукич,— пеляс вашнитіс Надя дедлы.

— Он-ө нин артиставны кор?— нюммуніс старик. Надя пуксис улөс вылө.

— Баянным жугали... Тэнад пө эм. Рыт кежлө кора. Дед зумыштчис, көрыштис нырсө.

— Пилөн сійө, Митялөн,— сьөкыда ышловзис сійө.— Ачыс пөгибнитіс, а баяныс ловъя. Ог сет!

Оти здук кежлө керкаын лолі шынитөв. Лукич му-
ніс кывтас, ведраысь гумовтіс ва да, вомсө тяпкөдөмөн,
тэрмасьтөг дыр юис.

— Мынтыся өд,— сёрнисө водзө нуөдіс Надя.

— Эн кор, ог сет,— ещө чорыджыка шуис дед.

Надялөн воши надеяыс.

— Ок-ок-ок. Вечер торксьө...

— Меным кутшөм мог тiян вечерөдз,— нурбыльтіс
Лукич да бара тапсьөдіс ведра дінө.— Треска сейи...
юктөдө, морыд!

«Ме баян йылысь, а сійө трескаөн ошйысьө, бытьө
ме нэмнас нин эг сейлы сійөс»,— думсьыс көритіс ста-
рикөс Надя, но век жө эз бөрыньты:— Эн тай нө
нинөм висьтав, дедушка?

— Висьталі нин, роч аканьөй. Гортын мед куйлө...
Сейны оз кор.

«Но и Плюшкин!»— старик вылө көдзыда буг-
жыльтліс клубса заведующөй да лөсьөдчис петны.

А Лукич сулаліс пызан дорын да видзөдіс стенин
өшалысь вижөдөм фотокарточка вылө.

— Пиыд кө вөлі ловъя, дерт жө, эз йөрт,— өдзөс
вугйө кутчысис Надя. Кыдзи сөмын эз кевмысь клубса
заведующөй, но Лукич вөлі сирөд мыр кодь чорыд.

— Тырмас! Тэ абу чиганка...

— Гортяд пукты да сьөрсьыд ну,— өдзөссө крап-
кис ныв.

«Томиник, а ёсь пиня...— инас эз өшйы старик.—
Дөзмөдіс, трөщөпаяд. Сетан — өти лунөн жугөдласны,
Митялөн нинөм оз коль...»

Лукич пыр на сулаліс пызан дорын, думайтіс пи
йывсьыс, коді уна во нин куйліс төдтөм муын.

Паччөрын нөшмасис синпөла ыджыд кань да дуг-
дывтөг кургис. Ошинь стеклөясө скөра таркөдчис арся
ээр. Дед перйис вольпась увсьыс ыджыд ключ, восьтіс
сундуксө да дзөрысь кияснас перйис төбөм баянсө.

Кань дугдіс кургыны. Лукич сувтөдіс баянсө пызан

вылө, косіник чуьнас личкис клавишасө да паськө-дыштис мексө. Баян кыпыда чилөстис. Дедлы син водзө сувтис пиыс. Со Митя ичөтик на: ислалө, ворсө, дөз-мөдчө. Сизим арөсөн сійө первойысь муніс школаө. Дөра сумкаа, ыджыд картуза. Дас көкъямыс арөсөдз Митя велөдчис, сэсся кольччис уджавны колхозө. Рытьяснас ветлывліс клубө, гажөдчис том йөзкөд. Митялөн вөлі важиник гудөк. Война заводитчытөдз төлысь-мөд водздзык колхоз правление премируйтис сійөс выль баянөн. Сэсянь уна нин визувтис ва, а дед нинөм на абу вунөдөма. Ставсө помнитө. Сылы весиг кажитчө, мый сиктын пиыс вөлі медся мича, медся авъя да ён.

Лукич гозъя нимкодясисны пинас, олісны, уджалісны шычнирач, некутшөм шог эз төдлыны. Не война кө, эськө тадзи найө кургисны нэм чөжыс.

Пөгибнитис Митя. Эз и удит пөттөдзис гажөдчыны. А баяныс дас вит во нин куйлө сундук пыдөсын. Быд-пөръя, кор дедлы дум вылас усьліс пиыс, сійө вось-тывліс сундуксө и дыр видзөдліс баян вылас. Том йөз-унаысь корлісны ньөбины баянсө, но старик эз сет.

Воджын сайын кувсис Лукичлөн гөтырыс. Ещө нин-лои сьөкыдджык.

Лукич пукаліс пызан дорын да казьтыліс важсө, а син водзын сулаліс Надя Ульнырова.

«Прөста өбидиті нывсө,— ышловзис старик.— Сетны колөма: өти рытнад нинөм эз ло. Мед гажөдчисны да казьтылісны Митяөс».

Дед кайис шоныд паччөрө.

— Вешйышт, Василь,— каньлы шуис сійө да ню-жөдчис, медым небзьөдны пөрысь лысьөмсө.— Эк, Ва-силь, Василь, и мыйла тэ сэтшөм мывкыдтөм. Висьтаз, сетны абу баянсө? Чөв олан, трөщөпа?

А пель водзас быттьө кылө Надялөн ёсь гөлөсыс: «Пиыд кө вөлі ловья, дерт жө, эз йөрт». И збыль. Вермис өмөй Митя өткажитны том йөзлы. Сійө өд пыр старайтчыліс вөчны йөзлы буртор. Да и ачыс Лукич сэтшөм.

Воськов бөрся воськов дед юрвежөрын прөйдитис аслас олөмыс. Со сійө добровольнө гижсьө Красной Армияө, медым дорйыны выль олөм. Куим во чөж-тышкасис фронт вылын. Тиф ни Юденичлөн пуля эз-вермыны чегны сійөс.

Кор сиктын заводитісны котыртны колхоз, Лукич медводдза мортөн гижсис отувья олөмө. Сиктса йёзкөд отвылысь сійө воысь воө ёнмөдіс рөднөй колхоз. Вель уна премия сетлісны сылы аслас бур уджысь. Уна мелі кыв кывліс дед колхозникъясьянь.

«Да, став олөмөй менам йитчөма колхозкөд. Некор эг вөчлы лөксө сиктса йёзлы. Пыр восьлалі накөд оти радын. А мый думайтасны өні ме йылысь колхозникъясь? Дерт, көнкө, кутасны вөйпны».

Лукич видзөдліс пиыс фотокарточка вылө и сылы кажитчис, мый весиг Митяыс дзоргө дивитана синъясөн.

Дед дыр куйліс, сэсья сьёкыда чеччис, пасьталіс медбур паськөмсө, кагаөс моз топөдіс баянсө морөс бердас да петіс пемыд ывлаө...

Надя Ульнырова Лукичлысь клубө пырөмсө эз казав. Ныв сьёкыд сьөлөмөн лөсьөдчис доклад пома-сьөм бөрын йёзыслы юөртны, мый танцы оз ло.

Зина пөдругаыс нетшыштис сійөс платье соскөдыс да висьталіс, мый Лукич ачыс вайөма баянсө.

— Збыль?— ыпмуні чужөмыс Надялөн. Щөка улас бара мыччысьліс гуран.

— Ага... Лок көть видзөдлы.

Сценасайса ичөтик комнатаын сулаліс Лукич, вышивайтөм дөрөма, көрөм коска пальтоа. Оти киас кутіс баян, мөдас — важиник картуз.

— Молодеч, бабушка!— радысла горөдіс Надя.

— Көркө молодеч вөлі да воз сөйис,— шочиник пиньяссө мыччөдліс старик.

Надя кватитіс баянсө да көсйис төвзыны залө.

— Надзөнджык,— өлөдіс Лукич.— Абу өд сөй гырнич, а көкъямыссө шайта добра. Ворсыштөй, и бөр нуа.

Баяныс вуджис нин колхознөй бригадир киө. Прошка чунь помъяснас видлалыштис кизьяссө, лөсьөдіс көвсө, заводитіс ворсны.

Дждж шөрө петісны медводдза параяс, сэсья танцуйтысьяслөн лыдыс содіс и содіс...

Лукич первойысь на пырис выль клубө да вель дыр ас кежас шензис: «Видзөдтө, кутшөм кыпыд да гажа. Дивья том йёзлы тані гажөдчыны». Дум вылас уси аслас бурлачитан кадыс, кор найө чукөртчылісны Ворчун Пеклалөн ичөтик керкаө, дон пыдди Пеклалы гортсаясысь гусьөн вайывлісны карасин, сөян-юан. Мый нө керан, сэжи сэтшөм вөлі кадыс.

Лукич мудзис сулавнысö, пуксис Прошкакөд орч-чөн да гудөкасысь кö крутджыка паськөдліс мексö, тувкывліс сылы бокас:

— Эн ышнясь, он вурун лет.

Вальс бöрын заводитісны ворсны гажа кадриль. Том йöзкөд радын öні йöктісны и уска мужчинаяс, и олöма нывбабаяс, кодъяслөн важөн нин помасис медводдза радейтчөм. Муртса на пуксялісны йөктысьяс, кодкө бара горөдіс, кылö:

— Нолтö, «Камаринскöй» заводитлы.

Прошкаөс ёна тшөктыны оз ков. Джодж шөрö пөтісны медся збодер йөктысьяс. Зымнитісны кокъяснас, лэптыштісны вечикъяссö. И заводитчис...

Дед дзоргис гөрдөдөм чужöма йөктысьяс вылö, кань моз куньтыраліс синъяссö. Быдөнөс сійö төдö. Ставыс ас йөз. Видзөдлас удала йөктысь зонъяс вылö да пыр и дум вылас усьö радейтана пиыс. Сійö быттö тшөтш гажөдчө тані. Старик радліс, мый пиыслөн баяныс вермө гажөдны сы мында йөзөс.

«Айда, бур йөз! Кужöны кö уджавны, кужöны и гажөдчыны»,— нимкодясис дедлөн сьөлөм.

Важөн нин коли кык час. Надя полігтыр видзөдывлө дед вылö, кабралö гөрд лентаөн көрталөм көсасö. Нывъяс кевмöны, мед дырджык пукалас Лукич.

А дед пукаліс и пукаліс. Қоркө сэсся и сійö чеччис, веськөдіс коссö да улөдз копыртчыліс йөзлы:

— Пасибö ставныдлы. Ме тшөтш гажөдчышти.

— Аслыд пасибö, дедусь,— шуис Надя, босьтіс Прошка ордысь баянсö да заводитіс гартны ной шальён.

Дед видзөдліс малязіяс моз ызгысь том йөз вылö да öвтыштіс кинас.

— Баянсö коля...


Надя шензяна синъясөн видзөдліс сы вылö.

— Қолхоз премируйтліс менсьым Митяөс тайö баянас. А öні мед сійö гажөдö тіянөс.

— Айда, дед!— горөдіс Прошка и топыда кутыштліс пöрысь колхозникөс.

Лукич чукурөсь кияснас малыштис баянсö, быттö прöщайтчис ськөд, сэсся гораа содтіс:

— Гажөдчөй, бур войтыр. Гажөдчөй да казьтылөй менсьым дона пиөс, Митяөс.



ТӨДТӨМ ЙӨЗ

Автобусной станцияын тырыс йөз. Өтияс пукалісны паськыд скамьяс вылын, варовитісны өта-мөдкөд, мөдьяс сулалісны билетной касса дорын.

— Билетьяс талун сөмын такси вылө, — кылө, висьтавліс кассир. — Автобусьяс аски мунасны.

Электропильщик Шилов сулаліс зал помын, гыөртыштөм өшинь пыр видзөдіс ывлаө. Гудыр енежсянь лэбзисны шочиник лым чирьяс, дышиникпырысь пуксялісны еджыд шебрасөн вевттьысьөм туй вылө. Пасьтөм пуяс сулалісны чөла, быттьө любуйтчисны лөнь поводьянас.

Дзуртыштіс сьөкыд өдзөс. Қокныдик походкаөн залө пырис еджыд буркиа, лөз ватника, угриось чужөма, утка кодь паськыд ныра ныв. Сійө босьтіс юрсьыс шапка-ушанкасө, пыркнитіс лым чирьяс, ыджыд гөлөсөн юөртіс:

— Кодьяс такси вылө, кора пуксьыны машинаө.

— Эн жө бара кольөй, эн кольөй, — скамья вылысь кыпөдчис көрөм коска пася пөрысь нывбаба, кодлөной шаль увсьыс муртса тыдыштіс чукурөсь чужөмыс, да өдйө кутіс чукөртны көлуйсө.

Шилов босьтіс пач бокысь ичөтик чемодан, кизяліс сьөд полушубксө, ыджыд воськовьясөн петіс еджыд буркиа ныв бөрся.

— Татчө,— ныв индіс «Победа» вылө, коді сулаліс важиник автобус сайын, сэсса восьтіс багажниксө да йөткыштіс сэтчө электропильщиклысь чемодансө.

Видчысьөмөн восьлалігтыр машина дорө матыстчис и ной шалля баб. Шуйга кнас сійө кутіс ноп.

— Бур нылөй, тайө али мый таксиыд?

— Тайө, бабуля, тайө. Пуксьөй. А көлуйтө — багажникө.

Бабушка сюся видзөдліс багажник пытшкөсө, но нопсө кисьыс эз лэдз, топөдіс сійөс морөс бердас, бытьтө поліс мырддьөмысь.

— Усьны сэтысь вермас.

— Оз усь, эн пов,— серөктіс ныв.— Томналам.

Локтіс коймөд пассажир. Тайө вөлі бледіник чужөма, сьод синкыма, өкуратной паськөма статной нывбаба. Сылы позис сетны комын арөсысь не унджык.

Нывбаба чунь йывнас чышкыштіс өчки стеклөсө, портфельсыс перйис билетсө, петкөдліс еджыд буркиа нывлы, сэсса пелька пырис машина пытшкө.

Қор пассажирьяс пуксялісны небыд пуклөс вылө, шофёр видзөдліс быд мортөс торйөн, бытьтө на пиысь көйис аддзыны төдсаясөс. Но куйман пассажирыс вөліны төдтөмөсь. Шилов кыскис гач зепсыс самөвар камфорка кодь ыджыд часі, пыдісянь ышловзис.

— Оз-ө позь тэрмасьыштны, барышня?

— Вот воас нельөд пассажир, и мунам,— вочавидзис машина дорын ноксьысь ныв.

Қоли минута дас. Нельөд пассажир пыр на эз вөв. Машинаын пукалысьяс заводитісны нервничайтны. Шилов коймөдысь ниң кыскыліс часісө, унаысь кызөктіс кулакас. Бабушка то пөрччылас шальсө, то выльысь көрталас сійөс.

— Безобразие!— портфеляс кыпидөснас швачкөбтіс өчкиа нывбаба.— Мый дыра лоө виччысьны.

— Колөкө, сійө оз и лок,— вөсньыдик гөлөсөн шыасис бабушка.

Шофёр лэптыштліс пельпомсө, но нинөм эз вочавидз. Бура дыр ставөн чөв олісны. Лым заводитіс усьны ёнджыка.

— Барышня! Ме ог төд, кыдзи тэнө ыдждөдлыны, но колө муны,— стрөга видзөдліс шофёр вылө Шилов.

— Шуоны менө Машаөн,— кыліс нывлөн чырыштөм гөлөс.— А пассажирөс кольны ог вермы.

Виччысисны ещö минута вит. Машина пытшкын лои ыркыдджык.

— Поезд вылö верма сёрмыны,— ыджыд кулакнас плещас мыджсис Шилов.— И кöни сійöс чöртъясыс кыскалöны?

Очкиа нывбаба сьöдбöж моз жöдзис места вылас. Көть и чужöмыс сылөн öни кажитчис вывті стрöг, но эз вошты мичлунсö.

— Меным рыт кежлас быть колö воны Княжпогостö. Сёрма кö лыддысьысыяслөн конференция вылö—скандал артмас.

Бабушка гоз-мöдысь нюлыштіс лöзöдöм парсö, тшöтш мыйкö кöсйис шуны, но сöмын öвтыштіс лöз сөнъясөн зэвтöм косіник кинас.

«Но и пассажирьяс веськаліны,— думайтіс Маша.— Бытьö ме вöсна лоö сулавны. Ставныс горзöны, тэр-мöдлöны. Ме, колökö, наысь ёна тэрмасыя».

— Он öмöй кыв?— выльысь шыясис Шилов да разяліс полушубоксыс кизьяссö.

— Кыла, абу пельтöм. Мунöй норасыöй.

— И норасям!.. Жалöба гижам!— грöзитчис öчкиа нывбаба, сэсяя кокнас йöткыштіс машина öдзöс да котөрөн пырис автобуснöй станцияö.

Бабушка топыдджыка гартыштчис шальнас, бер-гöдчис шофёрлы мышкөн.

— Мый дыра со прöста сулалам. Сійö, колökö, ресторанын горшсö пожъялö, а ми — виччысям.

— И тэ, бабуля, тэрмасыян?— юрсö лэптыштіс Маша.

— А мый... Чайтан, меным тэрмасыны некытчö? Пийö гöтрасьö. Рытнас — свадьба, а ме со тані на. Тö-рыт Серёжа звöнитліс, быть пö лок.

— Воан.

— Көркö, дерт, воа,— эз сетчы бабушка.— Нэм чöж кута öбижайтчыны, рочаканьöй, тэ вöсна кö сёрма.

— Но и öбижайтчы!

— Сылы веськодь, бабушка, пассажирьясöдзыд,— кинас öвтыштіс Шилов.— Веськодь! Мед сёрмöны йöзыд.

Ныв кöсйис скöрысь вочавидзны, но эз удит. «Победа» дорö матыстчисны станцияса диспетчер да öчкиа нывбаба.

«Норасыöма, сукарыд»,— скöрысь югнитісны Машалөн синъясыс.

— Исакова ёрт, мыйла сулалан?— юалис диспетчер.

Пассажирыяс óta-мод вежмөн заводитисны норасыны. Лыддысысыяслөн конференция выло тэрмасысылөн гөлөсыс вөлі медся ыджыд. Кор шумыс не-уна лөнис, Маша висьталіс сёрмысь пассажир йылысь.

— Ах... Ме и дзикөдз вунөдчи,— небзьөдіс гөлөссө диспетчер.— Сійө военкоматө котөртис. Öнi жө звө-нитла. Эн шумитөй. Дас минута мысти кө оз во, машина модөдам сытөг.

Маша кыкыштіс нырнас көдзыд сынөдсө, буркиа кокнас вештыштіс кок увсыс гөн кодь небыд лымсө, бөр пырис аслас машинаө.

— Но вот, а ме выло ставныс горзөны.

Шофёрлы некод эз вочавидз. Сэки машина дорө котөрөн матыстчис руд шинеля, турунвиж погоньяса салдат. Гөрдөдөм чужөм кузяыс ефрейторлөн визувтіс пөсыс.

— Кора прөститны... военкоматын дыр видзисны,— морөссө водзлань чургөдөмөн рапортуйтис салдат, сэсса лөсьөдыштіс югьялан пряжаа тасмасө, тэрыба пөрчис вещьөй мешөк, пуксис өчкиа нывбабакөд орчөн.

Сійө жө здукас машина небыдика вөрзис места выв-сыс да ыджыд скоростьөн модөдчис паськыд туй кузя.

— Пасибө, абу кольөмныдөсь. Ме и сідз нин от-пуск бөрын сөрма. Талунья поезд выло кө ог веськав, лёк лоө,— недыр мысти нурбыльтіс салдат.

Пассажирыяс чөв олісны, скөралісны сы выло.

Машина төвзис шылыд тракт кузя. «Победылы» паныд өти бөрся мод котөртисны телеграфной столбьяс, гьөртөм потшөсьяс, вөр діяс. Лым эз нин усь. Сө-мын лэчыд төв гуляйтис тыртөм туй кузя. Маша видзөдіс канаваяс пөлөн сулалысь еджыд шапкаяса пуяс выло да ас кежас нимкодясис. Арся зэрьяс бөрын төвся луныс сылы кажитчис вөвлытөм мичаөн. Окота вөлі петны машинаысь да ылөдз котөртны ляпкыдик лым кузя.

Пассажирыяс дырөн варовмисны. Шилов кресталіс кокьяссө да висьтавліс асланыс лесопункт йылысь, көні сійө уджалө дас витөд во.

— Окота на уджавны уна-уна во, а вот пөрысь-мыны куті,— ышловзис сійө.

— Сөкөл кодь на, енсыкөд,— көк моз шыасис бабушка.— Уджалан на ассыд пайтө.

* — Да и кызди не уджавны, кор тэнө уважайтөны,— кияснас шеныштис Шилов.— Ме со прөстой вөр лэдзысь, а Москваөдз, министерствоөдз, совещание вылө корисны.

Маша бергөдчыштлис съод полушубока пассажир-лань, кодөс өнөдз лыддис служащой туйө. «Со вөлөм мыйла тэрмасьө».— И өддзөдис машинасө.

Бабушка медсясө ошйысис аслас Серёжа пиөн, коді уджалө көрт туй вылын.

— Со тай, думыштөма гөтрасьны. Медъя, медъя... Кувтөдз көть врукъясөн любуйтчышта.

— Коді нө пиылдлөн гөтырпуыс?— өчкисө лэптыштлис портфеля нывбаба.

Бабушка лэдзыштис ной шальсө пельпом вылас, чөскыда нюлыштис пардорсө, и сөмын та бөрын воча-видзис:

— Дусяөн шуөны. Көрт туй вылас жө уджалө. Зэв шань нылыс. Варов, мича. Да и, майбырлөн, кипод-туйыс эм. Бур көзаяка лоө. Серёжа өмөй босьтас кутшөмсюрөос!

Маша ачыс эз вөв мича и, мыйлакө, дөзмис татшөм сёрнисьыс. Сылы кажитчис, мый тури кодь вөсньыдик голяа баб вывті нин ошкө ассыс моньпусө.

«Варов, мича,— думсьыс нерыштис старукаөс сійө.— А характерыс, колөкө, некытчө туйтөм. Морттө өд өти мичлун кузя оз позь донъявны. Со тай, менам пассажиркайө абу жө мисьтөм чужөм вылас, а сьөлөмыс, тыдалө, изйысь чорыджык».

— Друг да өшибитчис пиыд?— ичөтик кыр кайыштөм бөрын бабушка дінө шыасис Маша.— Быд югьялантор оз овлы зарни.

— Мортыдлы колө веритны, радейтны сійөс,— юрсө пөлыньтыштлис Шилов.— Төдмасын кодкөдкө, и он төд, мый сы йылысь думайтны. И друг, кутшөмкө өти луно, аддзан сылысь сы мында бурсө, код йылысь некор эн кужлы думайтны. А мыйта миян сэтшөм йөзыс. Дерт, эмось и сэтшөмъяс, кодъяслөн сьөлөмыс тыртөм.

Пельсө чошкөдөмөн кывзис бабушка, но сідзи и эз гөгөрво: ошкөны сылысь моньпусө али вөйпөны. Сійө көть дзик на өтчид аддзыліс Дусяөс, но сьөлөмнас

эскис сылы, чайтіс, мый сыысь шань нылыс абу вольной свет вылас. Окота вөлі ещө висьтавыны том гозья йылысь, но машина крута сувтіс. Тайө лои сэтшөм виччысьтөг, мый бабушка весиг тшөкмунис.

— Тьфу, прөсти господи, тайкө пөрөдан!

«Победа» сулаліс ичөтик сикт помын. Куим өшиня ляпкыдик керка дорсянь, кияснас өвтчигтыр, машиналы паныд котөртис төдтөм нывбаба. Сійө вөлі өтпөлөса, юрси пратьяссө лэчыд төв шыблаліс өтарө-мөдарө. Пельпом вылас плаввидзис гырысь цветьяса кашемир чышгьян, коді вот-вот усьө дзикөдз.

— Сулав! Су-лав!— ыджыд гөлөсөн горзіс сійө, көть и машина сідз нин сулаліс.

— Мый лои?— машина өдзөссө восьтіс Маша.

Ар кызь вита, сартас кодь косіник нывбаба кыкнан кинас кутчысис сьөлөм бердас, дыркодь пошиктіс, сэсся вазьөм сингьяссө чөвтіс ушанкаа ныв вылө.

— Ой, мездөй, бур йөз!— сөмын и удитіс шуны сійө, сэсся надзөникөн лэччысис южмөм лым вылө, сыркьялөмөн кутіс бөрдны.

Ефрейтор звиркнитіс места вывсьыс, уськөдчис нывбаба дінө. Электропильщик да өчкиа нывбаба гөгөр-вотөма видзөдлісны өта-мөд вылас.

— Мый нө лои? Мый лои?— выльысь юаліс Маша, сэсся отсаліс салдатлы лэптыны нывбабаөс.

Нывбаба сьөкыда сувтіс кок йылас. Öти кинас кутчысис Машалы сояс, мөднас зыраліс ассьыс морөссө. Векныдик ныр боктіыс кык вожөн сөдзөдчис синва.

— Нылөй... нылөй куланвыйын... Светочкаөй!— слабиник гөлөсөн шуыштіс сійө.— Больничаө колө нуны.

Сөмын өні Маша гөгөрвоис ставсө.

— Да тэ эн бөрд, гражданка, справитчас нылыд,— нывбабаөс бурөдіс салдат.

— А кулө кө?— став тушанас сыркьяліс нывбаба.— Öти өд сійө менам, дзик öти! Шофёр, босьт миянөс. Княжпогост больничаө көть ну.

— Карөдз жө матынджык.

— Асывбыд нин машина кыйөда. Бытгьө нарошнө, талун оз ветлыны. Босьт, нэм ог вунөд буртө.

Маша видзөдіс шогсьысь нывбаба вылө, синваыс муртса оз пет. Көсйис шуны меліджык кыв, бурөдны мамөс, но горшдіныс гөрддзасис, кывйыс эз артмы.

— Рад эськӧ босьта, да ог вермы,— пыдісянь ышловзис Маша.— Аддзан: пассажиръяс менам машина-тыр. Час нель мысти карӧ кута кайны, сэки — пӧжалуйста.

Нывбаба кияснас тупкис чужӧмсӧ, шатлалігтырйи мӧдӧдчис бӧр. Маша вӧтӧдіс сійӧс, босьтіс сойборд-йӧдыс.

— Эн дыр ветлы!— бӧрсяньыс горӧдіс лыддысьысыяслӧн конференция вылӧ мунысь.— Тэрмасям.

Но Маша ӧвтыштис сӧмын бензин дука кинас, отсаліс нывбабалы кайны кильчӧ поскӧд, пырис керкаӧ.

Шофӧр бӧр локтіс машина дінӧ бура дыр мысти. Пассажиръяс сулалісны туй вылын.

— Пуксялӧй! Мӧдімӧ!

Пассажиръяс эз вӧрзыны.

— Ёна висьӧ?— шаль помнас вомсӧ чышкыштіс бабушка.

— Нелямын сайӧ температураыс.

— Мда... Виччысьтӧмтор,— нюжӧдіс Шилов.

— ЧП,— юрсӧ лэдзис салдат.

Бабушка кӧсйис чӧвтны пернапас, но видзӧдліс пограничник вылӧ да бӧр лэдзис кисӧ.

— Колӧ отсавны налы,— разис шинель кизьсӧ салдат.— Ме кольчча татчӧ, а найӧс босьтӧй. Пӧпутной машинаӧн кызкӧ муна.

— Тэ жӧ сӧрмыны верман, бур пийӧ. Ачыл шуан: лёк пӧ лоӧ,— шыасис бабушка.— Татшӧм кӧ нин делӧыс, меным бурджык кольччыны. Дерт, окота вӧлі свадьба вылын гажӧдчыштны, но мый вӧчан. Ме ӧд ачым мам — гӧгӧрвоа.

Маша уськӧдчис старука дінӧ, окыштіс сылысь кӧдзыд чужӧмбансӧ.

— Ме думысь, висысьсӧс ӧні жӧ колӧ мӧдӧдны карӧ,— кыліс ӧчкаиа нывбабалӧн гӧлӧс.— Ӧти-кӧ, сэтчӧдз матынджык, мӧд-кӧ, врачьясыс опытнойӧсьджык. Да-да... Сӧмын карӧ.

Мыйкӧ дыра вӧлі шынитӧв, сӧмын кыліс тӧвлӧн небыдика пошиктӧмыс. Портфеля нывбаба пӧрчис ӧчкисӧ, и Маша аддзис, кутшӧм меліа видзӧдӧны сылӧн мудзыштӧм синъясыс.

«Йӧй ме...— асьсӧ ӧні видіс шофӧр.— Ме сійӧс «сукарӧн» думайті, туй чӧж виді, а со вӧлӧм кутшӧм бур сьӧлӧма. Со и тӧд мортӧ».

— Верма и сёрмыны. Надейтча — прөститасны. Оні оз ас йылысь ков думайтны, а сы йылысь, кызди спаситны нывкасö.

— Вернö!— шуис салдат.

— Но, барышня, бергöд машинатö, и айда карö. А тэ, пограничник ёрт, котöртлы керкаас да висьтав: мед петкöдасны висьысьсö,— командуйтис Шилов.


— А кызди нö тi?— тшöкмуні Маша.

— Кутам пöпутнöй машина виччысьны,— котöртиг-мозыс вочавидзис салдат.— Миян вöсна эн шогсы, кызкö мунам.

Машалы окота вöлі уськöдчыны тайö бур сьöлöма тöдтöм йöз дiнас да кутыштлыны налысь кияссö! Сийö крута бергöдiс машинасö карлань.

1958 во.





ПӨРЫСЬ МАСТЕР

Мича узоръяса гыөрөн вевттысьсём өшиньод комнатао пырö рытъя пемыд. Виж краскаоñ мавтöм важник будильник, кодi сулалiс ичöтик гöгрöс пызан шöрын, петкöдлiс сизим час.

Варвара Михайловна, висян чужöма, пелькиник старука, кузь юбкасö кутыштiг, лэччис паччöрсьыс, чукырöсь косiник кияснас öзтiс электрической би, öшиньяссö тупкис еджыд занавескаясөн, сэсся заводитiс лöсьöдны ужын.

Недыр мысти посводзын кылiс тöдса кок шы. Сийö жö здукин дзуртыштiс öдзöс, да порог вомөн воськовтiс Варвара Михайловналөн верöсыс, Егор Петрович.

Егор Петрович Шаньгинлы позьö вöли сетны арквайтымын. Ветлöдлiс сийö тэрмасьтöг, неуна гөрбыльтчыштöмөн. Паськыд съод тошкыс вöли дзугсьöма. Читкыртчыштöм синъясыс видзöдiсны зумыша. Варвара Михайловна татшöм жугыльён верöссö важөн нин эз аддзыв.

Старик пырöмөн тшöтш шыбитiс ас вывсьыс шоныд тужуркасö, пöрчис мазутөн ляксялöм лöз спецовкасö, пуджис сосьяссö да кутiс мыссьыны муртса шоныштöм ваөн. Қор мыссян дозйысь быри ваыс, дöра кичышкöдö косöдiс чужöмсö да кыв шутöг пуксис пызан сайö, көнi руалiс нин шыд тарелка. Вит-ö-квайтысь дышиника паньыштöм бöрын чышкыштiс вом-

дорсö, вештіс ас дорысь тарелкасö да пыдісянь ышловзис.

— Но вот, Варварушка, менам и уджавсис сэсся. Пенсия вылö индісны.

Варвара Михайловна долыда нюммуніс, пуксис верöсыслы паныдөн да небыдика юаліс:

— Збыльысь висьталан? А кутшöм ме рад, Петрович!

— Мый сэні радлан, курыд гормög!— пинь пырыс шуис старик.

— Кызди нö мый! Татшöм омöль здоровьенад важөн колі петны пенсия вылö. Ме тай тэныд та йылысь быд лун доля. Нелямын öти во уджалін — тырмас.

Егор Петрович вешійс пызан сайысь. Гоз-мöдысь воськовтіс джодждö, сэсся бөр пуксис улöс вылö.

— Не висьöмыд кө эськö, во вит-квайттö уджалі на,— юрсö гыжйыштіс старик.— Да и верми öмöй ме эновтны завод да мунны коллектив дінысь öні, кор страна пасьта мунöны сэтшöм стройкаяс.

Варвара Михайловна букуштчыліс верöсыс вылö, фартук помнас вомдорсö чышкалігмоз вочавидзис:

— Кувны эськö цехад ковмис. Сідзи нин быд вой ревматизм мучитö, желудокыд висьö, сьöлöмнад нора-сян. Радуйтчыны колö, шойчөг кө сетісны.

Петрович быттö эз кыв гöтырыслысь шуасьöмсö да висьталіс водзö:

— Врачьяс вöсна ставыс лои татшöм канительыс, курыд гормög! Вит лун сайын завкомсянь ыстісны поликлиникаö. Видзöдласны пö сэні, сöвет сетасны здоровье кузяыд. Кывзі налысь ме, пöрысь йöй! Локті поликлиникаö. Куим врач быдса час видлалісны. «Тэныд, Шаньгин ёрт,— осмотр помасьöм бöрын шуö главнöй врачыс,— пырысь-пыр колö дыр кадся шойчөг. Бурджык лöб, дзикöдз кө петан удж вывсьыд».

— Вот и бур,— лöня шуис Варвара Михайловна.

Старик ланьтыштліс, думайтыштліс, сэсся содтіс:

— Мöd лунас пыри заводса директор ордö. Вот, мися, Михаил Васильевич, сідзи и сідз: врачьяс пенсия вылö тшöктöны петны. Директор, вöлөмкö, та йылысь тöдö.

«Жаль, шуö, меным тэкöд торйöдчыны, но врачьяслы паныд сувтны ог вермы. Пöра нин шойччыны, важөн пöра».

Стариклөн чужо́мыс лои зумыщджык, плеш чукыръяс костас мыччысис ньылóмыс.

— Директор ордсянь кежалі парткомó. Муртса восьті óдзóссó, а Кузьма Данилович локтó меным паныд, нюмъялó: «Сиа тэныд, Петрович, бура шойччыны». Вóлómкó, директоркóд ме йылысь сёрнитóма нин.

— Тэныд жó бурóс кóсйóны,— пасйис Варвара Михайловна.

— Тшóтш и цехын рабочóйяс на ног сёрнитóны,— кинас óвтыштис Петрович да видзóдліс гóтыр вылас.— Óбиднó лои... Ставныс тшóктóны петны удж вылысь, а некод оз юась, кутшómджык Петровичлы эновтны заводсó, кóні тóдса сылы быд станок, быд гайка. Эк, курыд гормóг! Рытнас сеті директорлы заявление удж вылысь мездóm кузя,— и... мездісны. Аскисянь Егор Петрович, кыдзи шулывлісны, «вóльнóй казак».

Рытнас Петрович чóв ланьтómон дыр пукаліс óшинь дорын. Эз узьсы сылөн и войнас. Унаысь чеччыліс крóвать вылысь, кыза гартыштліс чигаркá, óтнасон пукаліс пызан пельóсын да ас кежас сёрнитіс: «Ачым мыжа. Босьті да директорлы гижи заявление, медым пенсия вылó лэдзасны. Кутшóm чóрт тойлаліс та вылó. Эк, Петрович, Петрович, кокниа жó эновтін ассьыд цехтó».

Пóрысь мастер кóть и вóлі ылын заводсяныыс, но сьóлómнас быттó кыліс сылысь лов шысó да тóдса шумсó.

Квайт час асылын будильник сетіс вель кузь звóнок. Комнатаó пырис асья югóр. Петрович ас вывсьыс вештыштіс гóрд сатинóн эжóm тóвся эшкын. Кóсйис нин чеччыны, но сійó жó здукын гóгóрвоис, мый заводó оз нин ков мунны. Сылөн нюкыртчис сьóлóмыс. Сутшыштіс лопатка улас. Сэсся бóр пырис эшкын улó, шебрасис юр вывтійыс, медым не кывны заводлысь асья гудоксó, но сійó век жó вель дыр юргис Петрович пельын, и пóрысь мастерлөн усины скупиник синва войтъяс.

Чеччómон тшóтш Петрович кухняысь пыртіс ассьыс важиник спецовкасó, мыччис сійóс гóтырыслы да шуис:

— Кытчóкó пукты тыдаланаджык местаó, мед ме быд лун аддза сійóс.

Варвара Михайловна кыв шутөг босьтис верөс кн-сьыс спецовка да өшөдис комната пельөсө.

Луннас старик чукөртис ассьыс кутшөмсюрө инструментъяс. Чышкалоьм да мавтом бөрын тэчис найөс нейджыд ящикө.

— Некор нин, тыдалө, сэсся меным он ковмылөй!.. Гашкө, кад тшөтш и тиянлы шойччыштны мөд киясө вуджтөдз.

Егор Петрович син водзти котөртис аслас олөмыс. Нелямын өти во сийө уджалис производство вылын, сы пивысь кызь өти во помся тайө заводын.

— Гашкө, збыльысь абу грек шойччыны. Бур йө-зыс оз дивитны,— такөдис асьсө старик.

* * *

Войвывса дженьыдик төвся лунъяс искөвтөны котөрөн. Войясыс кузьөсь, көдзыдөсь.

Петрович лун-лун пукалис гортас да важмоз вөли зумыш. Кияс эз пыр некутшөм удж. Сьөлөм бердас быттьө өшалис сьөкыд из. Чужөмыс, кажитчө, ещө нин лоис чукурөсь.

Врачьяс советуйтөм серти Варвара Михайловна пуксьөдис верөссө диета вылө. Лункосмөсөн Петрович кутис ветлывлыны и заводса больничаө «шонтыны пөрысь лысө», кызди шулывлис ачус.

Кор стариклы паньдасьлисны удж кузя ёртъясыс, сийө мыйлакө яндысис наысь, синъяссө лэдзлис муө.

— Кутшөма нин олан, Егор Петрович?— юасисны рабочөйяс.

— Лун да вой, мый ещө колө...

— Уджавтөгыд, көнкө, бурджык?

— Позьө видлыны, кодлөн вежныд петө,— дөзмө-мөн вочавидзлис Петрович.

Пөрысь мастер мөвпалис: «Сералөны старик вылын, пиньнысө жерйөдлөны. Найө уджалөны, планъяс сод-төдөн тыртөны, завод честь вөсна тышкасьөны, а ме поликлиникаын зыртча да паччөрын пөжся. Тьфу, ку-рыд гормөг!»

Поликлиникаысь локтигөн Петрович сувтис показательяс пасьялан дөска дорө да читкыртчыштөм синнас дыр лыддис цехьяслысь удж результатъяс.

«Механической цех оз кольччы»,— аслас ёртъяс йылысь радпырысь мөвпыштис старик да вөсьлалис

гортас. Рөднөй завод йылысь думайтгөн сьөлөмыслы вөлі кокни. Весиг тшынөн сьодасьом заводлөн корпусыс Петровичлы кажитчис мичаджыкөн.

Рытьяснас Петрович ордө частө пыравліс заводса мастер Иван Иванович, кодкөд дас воысь дырджык уджалісны өтлаын.

— Гажтөмчан заводысь?— юавлывліс Иван Иванович аслас друглысь да дыр малаліс кушмөм юрпыдөссө.

— Гажтөмча, Иван Иванович. Сьөлөмөй абу месаын, мыйкө бытгыө оз тырмы,— норасис Петрович.

— А заводын тэнө пыр казтылөны. Торъя нин гажтөмчөны тэысь механической цехын.

— Регыд вунөдасны.

Варвара Михайловна пузьөдө чай, и кык мастер сьөлөмсяныыс варовитөны самөвар көдзавтөдз. Иван Иванович висьтавлө заводын выльторъяс йылысь: кутшөм цехъяс да бригадаяс муноны воддза радын, кодъяс кольчөны бөрө.

Петрович кывзө чөв, сөмын шочиника довкнитлө юрнас либө сетө мастерлы кутшөмсюрө сөветъяс удж бурмөдөм кузя.

Иван Иванович волөм бөрын Петровичлы овлө унапөв кокныдджык. Сэки и гөтырсө ыдждөдлө Варварушкаөн, и войнас узьсьө чөскыдджыка.

Кызкө өти рытын завод ворота дорын Петровичлы паныдасис механической цехса токарь Нина Власова. Том нывка яндысигтыр чышкыштіс синвасө да чирөм гөлөсөн здоровайтчис вөвлөм мастеркөд. Егор Петрович сувтөдіс токарөс.

— Нина, тэ нө бөрдін али мый?

Нывка юрсө копыртис да вель дыр сулаліс мыжа морт моз.

— Мый тэкөд, Нина?

Власова юрсө лэдзис ещө на увлань да муртса кылыштан гөлөсөн висьталіс:

— Брак вөчи, Егор Петрович. Нель деталь талун бракуйтисны.

Эз на удит нывка шуны бөръя кывъяссө, кызди сылөн вылысь тюрөбтісны синва войтъяс.

— Брак, дерт, омөльтор, но бөрдны оз ков,— нывкаөс бурөдіс старик.

Вөвлөм мастер да том токарь дыр сёрнитисны. Нина висьталөм серти Петрович пыр жө гөгөрвоис, мый вöсна сьлөн артмөма бракыс.

— Вот мый, Нина,— сьөлөмсяныыс висьталіс Петрович,— прөст кадө верман пыравлыны ме ордө. Мый сюрө верма отсыштны, а брак вöчны ог сөветуйт.

— Аттьө, Егор Петрович, аски жө пырала.

Төлысьыс дырджык шойччөм бөрын Петрович ещө на ёнджыка кутіс гажтөмчыны заводысь. Быдпөрийө, кор гудоклөн шыыс чуксавліс удж вылө, пөрысь мастер сувтлывліс өшинь дорө да видзөдіс паськыд улица вылө, кыті тэрмасигтыр удж вылө мунісны рабочөйяс.

«Ме сөмын өтнам гортын пукала»,— ас вылас видчис старик.

Кыкысь нин воліс заводскөй контораө. Көсйис пыравны директор дорө. Но кыкнанысьсө, мыйөн матыстчыліс сьөд клеёнкаөн эжөм өдзөс дінө, полігтыр бергөдчыліс бөр.

«Оз жө өд удж вылад бөр босьт»,— өдзөс дорысь вешйөм бөрын думайтіс пөрысь мастер.

Өти шойччан лунө Петровичөс видлыны локтіс парторг. Старик нимкодъысла эз и төд, мый вöчны.

Парторг быдторйөн интересуйтчис. Юасис: колө оз Петровичлы кутшөмкө отсөг, ас кадө-ө мынтөны пенсия, кызди лечитөны.

— Ставыс зэв бур, Кузьма Данилович, аттьө мый абу вунөдөмныд. Здоровье кузя өні ог норась. Ревматизм омөльджыка кутіс мучитны да и желудоклы бурджык. Со менам гортса «доктор» эм,— гөтырыс вылө индіс старик.

— Прөста ошйысян здоровьенад,— кыліс Варвара Михайловналөн гөлөсыс.— Чайтан, став висьөмыд нин быри?

— Тэ, Варвара, лишнөй эн сёрнит, самөвартө видзөдлы, бурджык лоө. Аддзан, кутшөм гөсть воис.

— А ме тэныд, Егор Петрович, пөдарок вайи,— китель пытшкөс зепсьыс бумажник кыскигмоз висьталіс парторг.— Санаторийө путёвка.

— Яндзим меным шойччынысө. Ёртъяс уджалөны, а ме пөжся.

Кузьма Данилович пөрысь мастер ордысь муніс пемдөм бөрас нин. Лөз небесаын чусмасисны да юг-

зисны уна кодзувъяс: ѳтияс на пѳвстысь вѳліны югыд-джыкѳсь, мѳдтъяс — муртса тыдалісны. Сыктыв ю дор-сянь корсюрѳ ѳвтїс кѳдзыд тѳвру. Парторгѳс Петрович колльѳдіс ѳшинь улѳдзыс, тяпкѳдіс паръяссѳ, мыйкѳ кѳсйис юавны.

— Кузьма Данилович,— медбѳрын шыасис старик,— оз-ѳ позь бѳр локны удж вылѳ? Воздухыс оз тырмы. Путѳвкатѳ, гашкѳ, позьѳ сетны кодлыкѳ мѳдлы?

Парторг вель дыр видзѳдіс стариклы синъясас, пыдісянь ышловзис.

— Егор Петрович, тѳныд колѳ шойччыны. Прамѳя шойччыны.

— Курыд гормѳг!— тѳдлытѳг артмис стариклѳн.

* * *

Механической цех, кѳні уджавліс Егор Петрович пенсия вылѳ петтѳдз, лыддысьліс заводын водзын мунысь цехѳн. Матѳ кѳкъямыс тѳлысь танї кутїсны завкомлысь переходящѳй знамя.

Но лои сїдзи, мый бѳръя кадас найѳс ордйис орчча цех, кѳні мастернас вѳлі Иван Иванович — Егор Петровичлѳн уна вося другыс. Тайѳ юѳрсѳ Петрович кывліс курортысь воан мѳд лунас жѳ да примитїс кызкѳ аслысногѳн. Первойсѳ весиг дѳзмыліс другыс вылѳ.

— Курыд гормѳг!— ропкакыліс старик.— ѳні жѳ муна директор дїнѳ да кута корны, медым бѳр ыстас цехѳ. Куим тѳлысь шойччи, колѳ и честь тѳдны.

Завод ворота дортї ревматизма пѳрысь кокыс Петровичѳс нуис сѳтшѳм ѳдйѳ, мый ас вылас ачыс весиг шензис: «Со тай санаторийыд кутшѳма отсалїс». Контора дорѳ воигѳн нин стариклы паныдасис механической цехса токарь Нина Власова. Нывка долыда серѳктїс да сывтырнас кутыштїс Петровичѳс.

— Егор Петрович! Донаѳй тѳ мяян! А ми быд лун казътылам тѳнѳ.

— Сїдзкѳ, энѳ на вунѳдѳй пѳрысь Петровичѳс?— нюмъяліс старик.

— Позьѳ ѳмѳй вунѳдны тѳнѳ? А тѳ ѳні, Петрович, курорт бѳрад ѳнмѳмыд, томмѳмыд.

— Томми и эм, Нинук. ѳд Кавказѳдз волї, дзонь тѳлысь шойччи.

Петрович чѳв сулалїс, нимкодъпырысь видзѳдіс аслас ученица вылѳ.

— Артмө, миянлы колө прöщайтчыны тэкөд, ба-
рышня,— меліа шуыштіс Шилов.

— Друг да тэ ме вöсна сёрман Москваө,— гөрдө-
діс Маша.

— Но, а тэ кызди уджалан, брак вöчысь?— сера-
ліс старик.

— Бура, Егор Петрович, бура. Аттьö тэныд, велө-
дөмсыйд да сөветъяссыйд. Пөдругаясөс весиг öнi панийи.

— Омöля на сідзкө велөдсөма, механической цех-
лысь кө знамя сетінныд...

Унатор йылысь на сёрнитісны пöрысь мастер да
том токарь, а сэсся Петрович прöщайтчис Нинакөд да
пырис контораө.

Егор Петровичөс директор примитіс зэв меліа.
Тшөктіс пуксыны небыд креслөө, мыччис «Казбек»
пачка да ачыс öзтіс.

— Но, старина, кутшөма олан-вылан?

— Бура и омöля, Михаил Васильевич.

— Кызди тайөс гөгөрвоны, Егор Петрович?

— Ме и ачым ог төд, кызди тайөс гөгөрвоны,— му-
дераліс старик.

— Кывлін, мый вöчыштіс Иван Ивановичыд меха-
нической цехтө?

Петрович эз на удит шыасьны, директор вочави-
дзис ачыс:

— Механической цехлысь знамя мырддис, вот мый.
Молодеч, Иван Иванович!

Егор Петрович кинас шыльөдыштіс паськыд тош-
сө, читкыртчыштөм синъяснас видзөдліс директор вы-
лө, сэсся кызөктіс кулакас.

— Михаил Васильевич, ме тэ ордө буретш та мо-
гысь и вои. Надейтча, гөгөрвоан да отсалан меным.

— Ме кывза, Егор Петрович,— креслөсө старик-
лань вештыштіс директор.

— Ог вермы заводтөг. Сьөлөмөй коймөд төлысь абу
местаын. Позьö кө, бөр кора цехө ыстыны. Рядөвөй
рабочөйөн көть кута уджавны.

Старик унатор на көсийс висьтавны Михаил Ва-
сильевичлы, но воссис кабинет өдзөс, и сэтчө пырис
Кузьма Данилович. Парторг топыда кутліс Петрович-
лысь кисө да пуксис директоркөд орччөн.

— Со тай Егор Петровичлөн оз шойчыссы. Удж выlö бөр корö ыстыны,— Кузьма Даниловичлань синъяснас мигнитіс директор.

— Удж выlö?!— шензис парторг

— Куим төлысь шойччи. Санаторийö весиг ветлі. Водзö ог вермы овны заводтөг. Яндзим гортын пукаваны. Ме абу на сэтшөм пöрысь.

Директор да парторг видзöдлісны öта-мөд вылас.

— А кызди жö ревматизмыд, кызди желудокыд?— зэв збылысь юалис парторг.

— Удж вылын öдйöджык бурдас, Кузьма Данилович. Уджыд — миян кодылы медбур лекарство.

Кузьма Данилович да Михаил Васильевич сэтшöма серöктісны, весиг орчча комнатаын пукалысь секретарь чуймөмпырысь видзöдліс öдзöс костöд.

Директор чеччис креслöысь, веськыд кисö пуктіс Петровичлы пельпом вылас да шпынняялігтыр шуис:

— Мед тэ ног лоас, Егор Петрович! Аскиянь тэнö инда бөр механической цехö начальникөн.

— Вот и аттьö, Михаил Васильевич! Көть прöстөй рабочейö инды, а век жö асланым цехö. Аттьö, Михаил Васильевич...

Стариклөн чужöмыс вочасөн гажмис.

— Но, Иван Иванович, видзчысь! Знамяыд бөр на кутас дöлавны механической цехын!— юрсö выlö лэптöмөн грöзитіс другыслы пöрысь мастер, сэсся чивкнитіс-чеччис, кык-куимысь и воськовтіс паськыд комнатаöд.

1953 во.



3

85 кӧл.

КОМИ КНИЖНОЙ ИЗДАТЕЛЬСТВО

1959